

續滕縣志

卷四

呂式斌署



續滕縣志卷四

楊知性

邑人

生克中編輯

高延柳

通紀補第一

黃帝唐虞

黃帝封第十子於滕歷唐虞及夏至殷末始滅

按舊志黃帝有二十四子得姓

者十有四其第十子封於滕滕者取水之滕涌為名也又按史記各書均云黃帝二十五子

契居蕃

王國維云世本居篇云契居蕃又注云見水經注渭水篇通鑑地理通釋引世本作番疑即漢志魯國之蕃縣

見觀堂

集林

夏

禹時薛之皇祖奚仲居薛以為夏車正奚仲遷于邳

左傳按杜注邳下

續滕縣志

卷四

一

邳縣又按水經注泗水經薛之上邳城而南注地道記曰城在薛西三十里應劭亦云邳在薛其後徙故曰下邳

商

湯時仲虺居薛以為湯左相

左傳按杜注仲虺奚仲之後又按路史仲虺奚仲十二世孫

湯歸自夏至于大坳仲虺作誥

商書序

高宗祭成湯有飛雉升鼎耳而雒祖己訓諸王作高宗彤日高

宗之訓

商書序

殷始咎周周人乘黎祖伊恐奔告于受作西伯戡黎

商書序按新唐書

及通鑑輯覽祖己祖伊俱奚仲之後

周

武王時封異母弟叔繡於滕爵為侯

按舊志殷末黃帝滕滅武王封異母弟叔繡於此在

今縣治西南十五里滕城又按路
史叔繡始居錯故一稱錯叔繡

封任姓之後畛復國於薛為

侯考通

宣王時封邾夷父顏之子友於邾為附庸謂之小邾子

按路史及世本

小邾曹姓帝高陽之苗裔也其先出於陸終之第五子晏安晏安受封於曹武王封晏安之後曹俠於邾為附庸是為邾俠俠生非非生成成生車輔車輔生將新將新生訾父訾父生武公夷父當宣王時有功於王室故王別封其子焉又按春秋大事表滕縣為滕薛邾三國滕城在縣西南十四里薛城在縣南四十里邾城在縣東六里

平王四十九年

魯隱公元年

夏四月費伯帥師城郎

左傳按括地志郎在滕縣西

五十里

桓王四年

七年

春滕侯卒

春秋左傳

六年

九年

夏魯城郎

春秋左傳

續滕縣志

卷四

二

八年

十一年

春滕侯薛侯朝魯

春秋左傳樂正子記

十年

魯桓公二年

春滕子朝魯

春秋

十二年

四年

春正月魯狩於郎

春秋左傳

十八年

十年

冬十有二月丙午齊侯衛侯鄭伯來戰於郎

春秋左傳

莊王二年

十七年

夏五月丙午魯及齊師戰於奚

春秋左傳按春秋大事表

奚在滕縣南奚公山下

八年

魯莊公五年

秋邾犁來朝魯

春秋左傳

十一年

八年

春王正月魯師次於郎

春秋

十三年

十年

夏六月齊師宋師次於郎

春秋左傳

僖王三年

十五年

秋宋人齊人邾人伐郎

春秋左傳

四年^{十六年}冬十有二月滕子從魯及齊侯宋公陳侯衛侯鄭伯

許男滑伯同盟於幽^{春秋左傳}

惠王十四年^{三十一年}春魯築臺於郎 夏四月薛伯卒 魯築臺

於薛^{春秋}

十六年^{魯閔公元年}秋魯侯次於郎^{左傳}

二十四年^{魯僖公七年}夏小邾子朝魯^{春秋}

襄王十一年^{魯十九年}春王三月宋人執滕子嬰齊^{春秋左傳}

十四年^{魯二十年}夏滕子從宋公衛侯許男伐鄭^{春秋左傳}

頃王四年^{魯文公十二年}秋滕子朝魯^{春秋左傳}

定王七年^{魯宣公九年}秋八月滕子卒 冬十月宋人圍滕^{春秋左傳}

續滕縣志

卷四

三

八年^{魯成公二年}夏六月宋師伐滕^{春秋左傳}

十八年^{魯成公二年}冬十有一月丙申薛人從魯侯及楚人秦人宋

人陳人衛人鄭人齊人曹人邾人鄆人盟於蜀^{春秋左傳}

簡王八年^{魯十三年}夏五月滕人從魯侯晉侯齊侯宋公衛侯鄭伯

曹伯邾人伐秦^{春秋左傳}

十一年^{魯十六年}夏四月辛未滕子卒^{春秋左傳}

十四年^{魯襄公元年}春王正月滕人薛人從魯仲孫蔑晉欒黶宋華

元衛甯殖曹人莒人邾人圍宋彭城^{春秋左傳}

靈王元年^{魯二十二年}冬滕人薛人小邾人從魯仲孫蔑晉荀瑩齊崔杼

宋華元衛孫林父曹人邾人會於戚^{春秋左傳}

三年年四冬十月邾人莒人伐鄆魯臧紇救鄆侵邾敗於狐駘左傳

按杜注狐駘邾地魯國蕃縣東南有目台亭

四年年五秋滕子薛伯從魯侯晉侯宋公陳侯衛侯鄭伯曹伯莒

子邾子齊世子光吳人鄆人會於戚春秋左傳

五年年六秋滕子朝魯十有二月齊侯滅萊遷萊於郟春秋左傳

按正義曰郟即小邾也

六年年七夏四月小邾子朝魯春秋左傳

八年年九冬滕子薛伯小邾子從魯侯晉侯宋公衛侯曹伯莒子

邾子杞伯齊世子光伐鄭十有一月己亥同盟於戲春秋左傳

九年年十春滕子薛伯小邾子從魯侯晉侯宋公衛侯曹伯莒子

續滕縣志

卷四

四

邾子杞伯齊世子光會吳於柎秋伐鄭春秋左傳

十年年十一夏四月滕子薛伯小邾子從魯侯晉侯宋公衛侯曹

伯齊世子光莒子邾子杞伯伐鄭秋滕子薛伯小邾子從魯

侯晉侯宋公衛侯曹伯齊世子光莒子邾子杞伯伐鄭十二月

戊寅會於蕭魚春秋左傳

十三年年十四春王正月滕人薛人小邾人從魯季孫宿叔老晉

士句齊人宋人衛人鄭公孫蠆曹人莒人邾人杞人會吳於向

夏四月滕人薛人小邾人從魯叔孫豹晉荀偃齊人宋人衛北

宮括鄭公孫蠆曹人莒人邾人杞人伐秦春秋左傳

十五年年十六春三月薛伯小邾子從魯侯晉侯宋公衛侯鄭伯

曹伯莒子邾子杞伯會於溴梁春秋左傳

十七年十八年冬十月滕子薛伯小邾子從魯侯晉侯宋公衛侯

鄭伯曹伯莒子邾子杞伯同圍齊春秋左傳

十八年十九年春王正月諸侯盟於祝柯杜注前年圍齊之諸侯也取邾田自

澗水歸之於魯春秋左傳按杜注澗水出東海合鄉縣西

表澗水在今滕縣南十五里哀二年季孫斯伐邾取澗東田及沂西田即此澗水出鄒山東則流於邾魯之間正義云邾在澗南田在澗北此魯取邾田之境也

十九年二十年夏六月庚申滕子薛伯小邾子從魯侯晉侯齊侯

宋公衛侯鄭伯曹伯莒子邾子杞伯盟於澶淵春秋左傳

二十一年二十年冬薛伯小邾子從魯侯晉侯齊侯宋公衛侯鄭

續滕縣志

卷四

五

伯曹伯莒子邾子杞伯會於沙隨春秋左傳是年十一月孔子生

二十三年二十四年秋八月滕子薛伯小邾子從魯侯晉侯宋公衛

侯鄭伯曹伯莒子邾子杞伯會於夷儀春秋左傳

二十四年二十五年夏五月滕子薛伯小邾子從魯侯晉侯宋公衛

侯鄭伯曹伯莒子邾子杞伯會於夷儀春秋左傳

二十六年二十七年夏滕成公與於宋之會左傳

景王元年九年夏五月滕人薛人小邾人從魯仲孫羯晉荀盈

齊高止宋華定衛世叔儀鄭公孫段曹人莒人城杞春秋

二年三十年冬十月滕人薛人小邾人從魯大夫及晉人齊人宋

人衛人鄭人曹人莒人邾人杞人會於澶淵春秋左傳

三年一三冬十月滕子會魯襄公葬左春

六年三魯昭公春王正月丁未滕子原卒 夏魯叔弓如滕 五

月葬滕成公 秋小邾子朝魯左春

七年年四夏滕子小邾子從楚子蔡侯陳侯鄭伯許男徐子頓子

胡子沈子宋世子佐淮夷會於申左春

十二年年九冬魯築郎囿左春

十三年年十秋九月薛人小邾人如晉葬平公左

十六年年十三秋滕子薛伯小邾子從魯侯劉子晉侯齊侯宋公

衛侯鄭伯曹伯莒子邾子杞伯會於平邱八月甲戌同盟於平

邱左春

續滕縣志 卷四 六

二十年年十七春小邾子朝魯左春

二十二年年十九夏邾人及邾人徐人會宋公乙亥同盟於蟲左

敬王三年年二十夏滕人薛人小邾人從魯叔詣晉趙鞅宋樂大

心衛北宮喜鄭游吉曹人邾人會於黃父左春

五年年二十秋滕人從晉士鞅宋樂祁犁衛北宮喜曹人邾人會

於扈左春

六年年十八秋七月癸巳滕子寧卒 冬葬滕悼公春

九年年十一夏四月丁巳薛伯穀卒 秋葬薛獻公春

邾黑肱以濫奔魯注春

十年年十二冬薛人小邾人從魯仲孫何忌晉韓不信齊高張宋

仲幾衛世叔申鄭國參曹人莒人杞人城成周春秋左傳

十一年魯定公元年春滕薛邾從諸侯城成周春秋左傳

十四年四年春三月滕子薛伯小邾子從魯侯劉子晉侯宋公蔡

侯衛侯陳子鄭伯許男曹伯莒子邾子頓子胡子杞伯齊國夏

會於召陵侵楚春秋左傳

二十二年十二年春薛伯定卒夏葬薛襄公春秋

二十三年十三年冬薛弒其君比春秋

二十五年十五年秋九月滕子會魯定公葬春秋

二十七年魯哀公二年春王二月魯季孫斯叔孫州仇仲孫何忌帥

師伐邾將伐絞取濶東田及沂西田春秋左傳按春秋大事表滕縣北為邾絞邑又

續滕縣志 卷四 七

滕縣南十五里有濶河為邾田襄十九年取邾田自濶水哀二年季孫斯伐邾取濶東田由是魯地兼涉滕縣之境

二十九年四年春宋人執小邾子秋八月甲寅滕子結卒冬

葬滕頃公春秋

三十一年六年秋齊人遷其君荼於駘春秋左傳按杜注駘齊邑或云在狐駘山下

三十五年十年夏五月薛伯夷卒秋葬薛惠公春秋

三十六年十一年秋七月辛酉滕子虞母卒冬十有一月葬滕

隱公春秋

三十九年十四年春小邾射以句繹奔魯夏四月齊陳恆執其

君寘於舒州六月齊人弒其君壬於舒州春秋左傳按史記齊世家作徐州索

隱曰徐音舒其字從人左氏作舒說文作邾邾在薛縣也

元王三年二十二年冬十一月越子與齊晉諸侯會於徐州史記越世家

按通鑑輯覽作徐州引大事記徐音舒亦作徐今山東兗州府滕縣有薛縣故城戰國時曰徐州

貞定王元年二十七年春越子使后庸聘於魯且言邾田封於駘上

左傳

安王二十四年齊威王因齊元年三晉因齊喪來伐齊靈邱史記田敬仲完世家

讀史方輿紀要云在縣東三十里明水之南城周八里內有子城戰國時齊南境邑孟子謂蚘龜辭靈邱而請士師指此史記齊威王元年三晉因齊喪來伐我靈邱是也按靈邱城在今治東二十五里俗名中陡城亦稱靈邱城

烈王四年魯共公奮五年衛伐齊取薛陵史記田敬仲完世家按薛陵在薛左右是年四月孟子

生

顯王二十九年邳遷於薛紀年孟子編年

續滕縣志 卷四 八

四十三年滕文公為世子之楚過宋見孟子孟子編年

四十四年滕定公薨世子使然友問孟子然後行事孟子編年

四十五年孟子自鄒之滕滕文公館於上宮問為國使畢戰問

井地於是許行之徒數十人自楚至滕陳良之徒陳相與其弟

辛自宋至滕孟子編年

四十六年史記以是年為齊閔王元年齊封田嬰於薛號曰靖郭君 靖郭

君將城薛客多以諫靖郭君曰善乃輟城薛孟子編年

四十七年孟子去滕反鄒孟子編年

四十八年齊號薛公田文為孟嘗君通鑑

愼靚王三年孟子為卿於齊出弔滕文公之喪孟子編年

赧王三年孟子自宋如薛

孟子編年

四年孟子自薛之魯旋反鄒

孟子編年

十五年薛侯會魏君於釜邱

孟子編年

十六年秦以齊田文為丞相

孟子編年按史記秦本紀在十七年

十七年齊田文自秦逃歸

孟子編年按史記秦本紀在十八年

二十一年齊田文出奔尋召歸

孟子編年史記孟嘗君傳

二十九年宋滅滕

通鑑滕自叔繡傳三十一世

三十一年燕攻齊取靈邱

史記趙世家

三十六年薛公田文卒諸子爭立齊魏共滅之

通鑑

東周君二年楚伐魯取徐州

魯頃公十九年史記魯世家集解徐廣曰徐州在魯東今薛縣索隱

續滕縣志 卷四 九

說文邾邾之下邑在魯東又郡國志曰魯國薛縣六國時曰徐州又紀年云梁惠王三十一年下邳遷於薛故名曰徐州則徐

與邾並音舒

秦

始皇二十六年置薛郡

通鑑

二世元年項梁引兵入薛誅朱雞石 少年豪吏蕭曹樊噲等

為收沛子弟二三千人攻湖陵方與

史記項羽紀高祖紀

二年雍齒守豐引兵之薛泗川守壯 敗於薛 夏四月項

壯名也

梁擊破秦嘉軍追至湖陵嘉死軍降 沛公聞項梁在薛往見

之項梁益沛公卒五千人 項梁盡召別將居薛

史記項羽紀漢書高祖紀

漢

高祖二年叔孫通歸漢

史記叔孫通傳

項羽引兵出湖陵

史記高祖紀

五年二月高祖以丁公徇軍中

史記季布傳集解晉灼曰楚漢春秋云薛人名固

六年春正月以薛郡東海彭城三十六縣立弟文信君交爲楚

王 令叔孫通起朝儀作宗廟樂

通鑑通考

十二年叔孫通諫易太子

史記叔孫通傳

孝惠元年徙叔孫通爲太常定宗廟儀法

史記叔孫通傳

高后呂氏元年置薛縣

漢書地理志高后元年爲魯國屬豫州有薛縣

孝景三年徙淮陽王餘爲魯王食魯卅汶陽蕃騶薛六縣是爲

恭王

元始五年冬十二月帝崩徵廣戚侯子嬰立爲皇太子號曰孺

續滕縣志

卷四

十

子

漢書平帝紀通鑑荀悅漢紀按續山東考古錄廣戚在今滕縣

後漢

建武二年秋八月將軍蓋延克睢陽劉永走保湖陵

通鑑

五年秋七月帝進湖陵征董憲又幸蕃遂攻董憲於昌慮大破

之

漢書地理志昌慮故城在今滕縣東南六十里蕃今滕縣治

永平二年以湖陵益東平國

後漢書光武十王傳

元和三年詔侍中曹褒定漢禮

通鑑

永元三年春正月帝用曹褒新禮加元服

通鑑

建安十一年割東海之戚以益琅邪省昌慮郡

通鑑

三國魏

景初二年夏四月以沛杼秋公丘彭城豐國廣戚並五縣爲沛

王國三國志魏書明帝紀

東晉

太興元年夏六月合鄉蝗通鑑

永和五年石趙衰亂晉征北大將軍褚裒帥衆伐趙徑赴彭城

魯郡民亦起兵附晉求援於裒裒遣部將王龕李邁迎之與趙

將李農戰於代陂龕等敗沒通鑑按方輿紀要代陂在滕縣東

咸安元年秦後將軍金城俱難攻蘭陵太守張閔子於桃山大

司馬桓温遣兵擊卻之通鑑桃山在滕縣東

太元四年秋七月秦以毛盛爲平東將軍兗州刺史鎮湖陸前秦

續滕縣志

卷四

錄

義熙四年五月司馬叔璠自蕃城寇鄒山通鑑

南北朝

宋景平元年魏泰常八年魏娥清等徇地至湖陸通鑑

宋元嘉七年魏神嘉七年冬十一月魏叔孫建攻宋竺靈秀於湖陸

靈秀大敗通鑑

齊建元二年魏太和四年冬十一月淮北四州民不樂屬魏常思歸

江南齊主多遣閒諜誘之於是徐兗之民所在蠶起聚保五固

推司馬朗之爲主魏遣尉元薛虎子等討之遂克五固斬朗之

通鑑輯覽五固城名在滕縣薛河南今謂之堽城

梁天監五年桓和侵魏兗州進屯孤山

按魏收志昌慮縣有孤山

梁大通二年將軍王弁侵魏徐州蕃郡民續靈珍攻郡應梁

通鑑

魏孝昌三年於徐州部置蕃郡領蕃城永興永福三縣又置薛

縣屬彭城郡

周大象二年尉遲迴舉兵相州徐州將席毗羅應之軍於蕃城

陷昌慮

通鑑

隋

開皇六年置滕縣省蘭陵郡之昌慮縣入彭城郡

通鑑

十六年陞為滕郡尋復為縣屬徐州部

通鑑

大業十年彭城留守董純敗賊帥張大虎於昌慮

方輿紀要

續滕縣志

卷四

十二

唐

元和十二年改州郡為縣移東二里小其城即今治

乾隆志耆舊跋

咸通九年秋七月桂州戍卒作亂冬十月陷宿徐州遂破魚臺

近十縣十二月分遣其將北侵沂海詔泰甯軍節度使曹翔為

徐州北面招討使

時兗州號泰甯軍

軍於滕沛

通鑑

十年秋七月曹翔拔滕縣

通鑑

五代

後漢天福十二年指揮使趙暉都頭王晏侯章襲殺契丹保義

節度副使劉愿歸漢

通鑑

後周顯德元年徐州奏為節度使王晏立碑許之封晏滕國公

通鑑

宋

建隆元年以王晏為安遠軍節度使累封韓國公

通鑑宋史

宣和七年

金天會三年

十二月金尼瑪哈

後改名宗翰舊作粘沒喝

圍太原知府

張孝純

滕縣人

固守

通鑑輯覽

靖康元年

金天會四年

五月以太原圍不解詔种師中由井陘與姚

古犄角遣使趣戰師中約姚古及張灝

孝純子

俱進抵壽陽之石

坑

在壽陽縣東南

為金將完顏和尼

洛索之子按洛索字幹里延完顏部人

所襲戰於殺

熊嶺

在壽陽縣西南

敗績師中死之古軍潰

八月都統制張思正領

兵十七萬與張灝夜襲金洛索

和尼之父

於文水

隋縣今屬山西太原府

小捷

續滕縣志

卷四

十三

明日復戰師潰死者數萬人 九月金尼瑪哈攻太原知府張

孝純力竭城遂破孝純被執既又釋而用之

通鑑輯覽及舊志張孝純外傳

建炎元年盜李昱攻滕縣

宋史

淳熙九年

金大定二十二年

金陞為滕陽州置滕陽軍

金史方輿紀要

十一年

金大定二十四年

金改為滕州更置滕縣倚郭屬之隸山東西

路

金史

嘉定七年賊帥郝定僭號改元攻陷滕兗單諸州

續通鑑

八年

金貞祐三年

三月金布薩安貞

原名阿海

破劉二祖

泰安人金主承濟崇慶元年作

斬之餘黨推霍儀為帥彭義斌石珪

泰安新泰人

夏全時青

滕陽人

附焉

通鑑輯覽

十年金興定元年夏四月金花帽軍作亂於滕州詔山東行省討之

金史宣宗紀
續通鑑

十三年金興定四年冬十月金以時青為濟州宣撫使封滕陽公十

二月時青復自金來附以為京東鈐轄續通鑑

十五年金元光元年二月金主命元帥左監軍鄂和舊作訛可同簽書樞

密院事時全滕陽人初與姪青俱為紅襖賊後同入金渡淮敗宋軍於高塘市今日高塘

鎮在潁州府霍邱縣西五月鄂和引眾還距淮二十里諸軍將渡全矯稱

密詔諸軍且留收淮南麥眾惑之留三日淮水暴漲宋軍襲之

全兵大敗金主詔數全罪而誅之通鑑輯覽

寶慶三年金正大年秋七月詔知盱眙軍彭忞及時青經理淮東

續滕縣志 卷四 十四

蒙古以李全行省事於山東淮南全自青州復入淮安殺張

林既而誘殺時青併其眾通鑑輯覽

元

至元十二年遣哈撒兒海牙奴刺丁使安南以李克忠佐之授

安南達魯花赤府知事柯劭忞元史李克忠傳

大德九年秋七月滕沂甯海諸郡饑元史成宗紀續通鑑

至順三年秋七月賑滕州饑元史文宗紀

至正七年山東盜起蔓延濟寧滕邳徐州等處元史順帝紀

八年六月陞徐州為總管府以邳宿滕嶧四州隸之元史順帝紀

十三年降徐州路為武安州所轄滕州嶧州仍屬益都路元史順帝

紀

十八年秋八月義兵萬戶王信以滕州叛

元史順帝紀
顏瑜傳

二十六年秋七月徐州芝麻李起兵據州城因命王宣為招討

使率丁夫從伊蘇復徐州尋授宣淮北義兵都元帥守馬陵調

滕州鎮禦

續通鑑

二十七年春三月庫庫特穆爾遣兵屯滕州以禦王信十一月

吳時明太祖朱元璋稱吳王

遣千戶趙實略滕州其守將初議固守已而遁

去遂克其城

續通鑑

明

洪武二年十月滕州廢為縣屬濟寧府

初髡城垣

山東通志舊志

續滕縣志

卷四

十五

十八年封建魯府陞兗州為府降濟寧為州滕縣改屬兗州府

明史太祖紀

成化十三年夏四月沂州郟城滕費嶧等縣同日地震

明史憲宗紀

五行志綱目三編

正德三年濬昭陽湖

按舊志昭陽湖亦曰西湖在滕魚臺兩縣界

七年春正月郤永追敗賊劉六於宋家莊賊南犯滕縣副總兵

劉暉大敗之

明史陸完傳綱目三編

二十九年滕縣饑

按天下郡國利病書滕縣累歲大饑加以大疫民死亡者十九

四十四年築沙河薛河隄

二河俱在滕縣

詔開夏鎮新河

按舊志宗室朱睦㮮

有記

隆慶元年五月夏鎮新河成引鮎魚諸泉在滕縣凡三十四泉及薛河在滕

縣南源出賣峯山匯諸泉而為淵西經薛山因名薛河沙河有二俱在滕縣在縣北者曰

南者曰南沙河即古灑水源出縣之述山下流俱入運注之通鑑輯覽

二年濬回回墓河引昭陽湖水入漕河明史 添置滕管河主簿

於戚城郡國利病書

三年議開泇河按舊志泇河經滕嶧兩縣境一百六十里

四年秋七月山東沙薛汶泗諸水驟溢明史五行志

六年築昭陽湖明史

七年築夏鎮護城隄明史

萬曆二十年開韓莊以洩湖水泇河之路始通明史河渠志

續滕縣志 卷四 十六

二十一年二月出師援朝鮮兵科右給事中侯慶遠滕縣人上疏

上因諭朝鮮王還都王京整師自守各鎮兵皆以次撤歸明皇紀通

夏六月挑韓莊中心溝以通泇河明史河渠志

二十八年六月開泇河明史河渠志陸燿運河沿革表

三十年以工部尚書姚繼可言罷泇河役明史河渠志

三十二年泇河工成賞賚有差陸燿運河沿革表

三十三年大濬泇河 夏五月考察京官主察當屬吏部侍郎

楊時喬沈一貫怒其方嚴請以兵部尚書蕭大亨主筆時論籍

籍給事中錢夢皋當外補特旨留用於是郎中劉元珍御史鄒

應龍吏部督給事中侯慶遠等先後論一貫權姦誤國劉元珍

等俱謫外

明史

添克洳河通判署戚城屬夏鎮分司轄

郡國利病書

三十五年築郟山隄

明史河渠志

天啓二年夏五月山東白蓮妖賊徐鴻儒陷滕縣知縣姬文允

死之門子魏顯昭家僮李海務並死

明史熹宗紀舊志

九月官兵復

滕縣 十一月山東巡撫趙彥解徐鴻儒等十八人獻俘

明實錄

崇禎四年濬洳河

明史河渠志

七年御史張盛美

滕縣人

上疏陳滕民苦累

舊志戊己集

八年二月御史張盛美上疏請勦禦流寇

戊己集

九年重濬洳河

明史河渠志

十五年十二月二十四日 滿洲兵下滕縣知縣吳良能教諭

續滕縣志

卷四

十七

張國柱俱死之

舊志有傳

十六年十月闖賊陷商州商維道黃世清死之

明史舊志黃世清傳

清

順治四年山東巡撫丁文盛奏東阿滕范等縣土寇平

山東通志

康熙十九年開阜河接洳河

山東通志

二十三年建滕縣修永閘 修砌十字河斗門

山東通志

雍正二年修昭陽湖之張穀山草壩

山東通志

乾隆十年三月巡察山東漕運御史沈廷芳奏微山湖各段土

隄請改建石工不許

九月賑滕縣水災

山東通志

二十年河溢孫家集微山湖淤接築攔黃壩七十里 七月賑

滕縣水災

山東通志

二十一年閏九月賑滕縣水災

山東通志

二十二年疏濬微山湖 賑滕縣水災

開新伊河

山東通志 按舊志

新伊河即微山湖引河

二十三年微山湖涸出莊地十分有六

築微山湖西岸壩工

尙書劉統勳奏會勘微山湖隄工

山東通志

二十四年建彭 閘微山湖滾水壩

三十年添微山湖石壩閘板

山東通志

三十二年新築城垣

按舊志地震城圯邑令陳詔新築劉壩來省工飯藜藿於趙誠品家趙故諸城教官

也終飯語不及私

續滕縣志

卷四

十八

三十九年升泇河通判爲同知 加鑲彭口閘兩岸草工

山東通志

四十七年八月初三初六等日滕縣大風雨

山東通志

五十年五月麥收歉薄德州嶧縣滕縣俱給兩個月口糧

山東通志

五十六年 上幸岱 召試諸生孫培蘭列二等 賜帛二端

舊志孫培蘭傳

嘉慶九年秋七月巡撫鐵保籌辦河道 諭以導泉源蓄微山

湖諸水爲本

山東通志

十九年修彭口閘兩岸閘壩建張阿閘

山東通志 按舊志在彭口閘下二十三里

二十三年四月奉 諭滕縣泉務以地方縣丞爲專管仍以知

縣總理如有諉卸廢弛分別參處

山東通志

道光元年滕縣被水緩徵山東通志

六年夏四月濬泲河山東通志

九年挑挖十字河成山東通志

十四年緩滕縣等十二州縣上年欠賦 整頓泉河濟運山東通志

十五年挑濬十字河淤沙山東通志

十七年添設魚臺縣滕縣兩汛協防山東通志 滕人捐修文廟

自道光二十七年至宣統三年見續志第三

民國元年立參事會議事會 設警察局

二年七月冷適帥師至利國驛張大帥勳命駐滕三統領往拒之

續滕縣志 卷四 十九

三年九月始驗契

五年杜營長廷秀來駐防

六年七月遣散定武軍於徐州散軍入東山盜大起

七年春奉軍至臨城居民無相擾但賣槍土匪爭購之價日以昂盜大熾 張督軍樹元

帥師來勦匪駐車站數日土匪勢衰 齊營長登山崔營長振

鏢來駐防 縣人公舉趙慶祿創辦鄒滕費泗聯防政府允之

警備隊長傳廣德以通匪伏誅

八年秋王團長毓魁來駐防 冬設團練局捕勦較力匪勢稍

衰

九年吳團長俊卿來駐防

十年大雨五十餘日 歲大饑

十二年夏土匪搶火車于臨城擄去西洋人數名民間送賊日久暗放至是

而匪遂愈不可治

十三年春奉軍畢旅長庶澄師至

十四年九月聯軍軍長王為蔚帥師至使孫星衡為縣長 縣

委周士元為聯防總任 趙慶祿辭四縣聯防

十五年春始建黨部 夏大旱 第八區第八鄉微山上現宋

公子目夷墓碑長約五尺寬二尺其文曰宋賢目夷君墓右行

曰皇宋熙甯五年仲春徐州知州傅堯俞立

十六年歲大饑 孫傳芳聯軍至委儲材為縣長三日軍退

續滕縣志

卷四

二十

張督軍宗昌所募俄兵以礮擊城傷人以十數礮方亟徐來楫召高延廩曰事

至此不頃刻死耳死一也蓋于死中求生乃招集輿徒舁牛羊雞豕酒一甕未足益以二十罌往請成延廩先徐稍後彈落如繁星將至車站自付曰安所得舌人乎俄而自南來者異鄉人舊相識也能俄語者延廩喜曰此天賜救命符也告以故攬其祛以往來楫亦至俄人將發槍遂疾呼作俄語手所舁以笑俄人頷之延廩進酒一甕俄人令先飲延廩仰天一甕俄人大笑遂各仰一甕脫帽盡禮以去礮遂止

十七年二月中央軍至 奉軍旅長黃鳳起掘城垣為戰壕以

守寬三尺深丈許 五月建法院於舊典史署 改警察局為

公安局 改實業局為建設局寓三皇廟廟廢祀 墮城命下

踰兩月免墮

時張軍長仁奎名重於上海高延柳往求之錢辛之者蔣中央之所器也張以墮城相誣錢以書

上曰滕盜區也墮城非計也蔣方在金陵允之遂免墮

大旱歲饑

十八年中央軍退兵至 夏江蘇土人來振饑 十二月華洋振濟會捐縣孤兒院銀幣三千圓

十九年大名吳象德來招土匪也匪蜂午以至城甚危徐來楫趙鳳垚電上未獲命遂以練兵遣散其衆收吳于東門外食以守之 十月改警備隊爲魯南民團第十三大隊縣長兼大隊長

二十年春主席韓復榘帥師至勦土匪也凡數月匪漸平 李旅長占標來駐防 馬旅長騰蛟來駐防 建設滕文中學于呂祖廟城隍廟廟俱廢祀楊師長士元捐地十二頃充學費 設區部部九區區一長部居火神廟廟廢祀

續滕縣志

卷四

二十一

二十一年春建進德會于文廟 冬馬旅長進功趙縣長長江圍抱犢垆賊賊潰入泉垆山復圍之踰月土匪平

二十二年趙旅長相賢來駐防 冬馬旅長進功專祠落成 歲大熟 穀賤傷農四民俱困

二十三年春濬運河 孫旅長學發來駐防 冬建設兵房于北門外舊教場 裁區部 生克昭捐銀幣一千圓自行監理脩城

二十四年春張旅長樹林來駐防

職官志第二

縣知事

湯宗幹 安徽合肥縣人宣統三年十二月任

周禮 江蘇丹徒縣人民國二年三月任

劉榮綬 直隸大興縣人三年五月任

王鑄 直隸樂亭縣人六年四月任

梅源德 安徽懷遠縣人七年三月任

劉榮綬 直隸大興縣人八年六月再任

白璞臣 直隸獻縣人九年六月任

劉孝存 安徽霍山縣人十年五月任

吳樹森 江蘇武進縣人十年九月任

周芬 河南商城縣人十一年四月任

趙錄策 山東安邱縣人十二年一月任

楊鳳玉 熱河阜新縣人十二年七月任

孫星衡 山東萊陽縣人十四年九月任

王麟閣 山東掖縣人十四年十月任

王育才 直隸河間縣人十五年三月任

王麟閣 山東掖縣人十四年十月任

仍復任受人簸弄沿街募賑大失官體專放稀湯不能療飢

萬毓崧 江西九江縣人十七年四月任

張善浚 安徽壽縣人十七年七月任

張鋒伯 陝西咸甯縣人十七年八月任

續滕縣志

卷四

王迺棟 山東諸城縣人十七年十一月任

劉佛航 山東新泰縣人十九年四月任

葉森 四川瀘縣人十九年九月任

薛大愚 河北清苑縣人十九年十二月任

趙長江 山東壽光縣人二十年四月任

崔公甫 河南內黃縣人二十一年十二月任

劉汝桐 山東泰安縣人二十三年九月任

謝錫文 山東德縣人二十四年五月任

劉佛航字佛航泰安新泰人也當南北交兵武弁需索甚苛公因民力已困峻拒之遂觸其怒踰日武弁帶兵八人持大刀耀日閃閃入縣署後堂將辱而戕之公腰大彼得槍一伏于矮室門後苟入則彼此俱碎矣武弁至門外而止軍司令至數之日百姓因拉夫疾走軍人槍斃無辜人皆苦張宗昌之暴虐以若所為是較張尤甚也軍司令亦不之罪也既而武弁亦悔尤站

長出爲調人爲具宴客禍遂息

趙長江字景文壽光人也不惜身命盡力捕賊爲歷任所無惟
下交不擇易失之黷雖曰風氣使然究可惜也

武功

齊登山字望亭高唐人也爲人謙光可挹貌似儒者以營長來
駐兵當是時賊燄曰熾八月十五日偵賊在老貓洞千百成羣
置酒高會去邑治六十里咸痛飲擊羊豕盡醉以爲不我虞也
乃銜枚疾走比至見羣賊皆卧地鼾息沈湎不知人戰士皆拔
刀斫之如削甘瓜稍有醒者各鳥獸散以去戰士皆大喜卽席
歡飲大嚼曰高春始歸是爲賊受創之始逾歲賊中有白天卒
續滕縣志

卷四

二十三

沛人也王懷玉邑人也皆梟酋也出穴就平地在洞中宴飲齊
聞之帥半營以至賊方飯意甚閒暇曰著某姓去敗以歸閒暇
如初下令曰著某姓去賊回旋更代我軍已疲羣賊盡出乃合
圍擊之以爲齊無歸路矣俄而西北烟塵漫天皆曰唐存義礮
隊至矣衆賊皆逃匿無敢撓者

張冠五字軼羣徐州銅山人也以師長駐滕先是土匪強橫邑
治西北隅夜分持械入人家一城皆驚或悉紅槍會能擊賊學
焉特自衛耳有楊道士者挾毀廟讐以徒衆千人至城下邑令
登陴撫慰之有東山土匪潛入內圖報復遂糾衆驟入車站戕
營附谷某傷十數人師長急整隊禽四十餘人獄未竟幕府請

搜槍盡屠之師長堅執不許邑人李文彬力請寬免不覺其膝之踞也旅長曰吾爲君頌繫之誅止四人一邑帖然

劉子彬字子斌宿遷人也爲山東第七軍軍長以丁卯夏駐節于滕軍律嚴整民不知有兵五月南師將至鋒甚銳一邑皆驚劉召父老而謂之曰我奉令北上隕兵將至矣然素不奉法吾恐父老家室之不完也我去城門咸閉嚴鎖鑰苟求食緹下悉與之婉辭以謝不然必危言未既街市火起誰與程姓之經商者也親帥一連兵斷守各巷口曰救火乎閒行乎曰救火卽以入火定無一亂者旣去南師至駐邑城後無繼者越日聞北軍槍礮聲如狂飈急雨南師退齊魯官吏亦至如初明年戊辰二

月南軍厚集兵力以至孫百萬兵軍於北門坊巷皆匪黨也相與垂涎者黃鳳起軍於邑治倡議堅守遍掘四鄰爲戰壕寬四五尺深丈餘令下凡西南郭外商戶人家盡焚之百姓惶恐無所出軍帥張敬堯至劉軍長亦至徐來楫急求代爲緩頰劉曰非吾力之所及也遂挽以見張帥帥曰可疾檄黃鳳起孫百萬以去當是時張帥宗昌親督戰軍于車站或告曰馮總司令入兗州矣疾遁去劉軍長軍于邑治趣潰兵盡出嚴鎖鑰然後行城卒完無復罹兵禍者

某營長大名人也楊道士旣發難羣不逞疾趨車站槍彈矛戟相撻軍士將禽之營長曰止愚民也自尋讐耳勿擊也俄而長

矛中其要害瀕死猶戒軍士勿與校嗚乎可謂行伍中有顏子矣

馬進功字芝芩安徽亳縣人也以旅長駐滕二十年主席韓復榘帥師勦匪數閱月翦除過半逃匿者半其梟者如張黑臉某某負險于抱犢堦旅長自秋阻冬往圍之既而賊潰圍出入泉堦山以守山上重岡巖巖下臨絕澗闊二丈水盈盈雖捷足不能過也圍月餘山上負固聲笑語聲山下怒詈聲誘敵聲相聞也越夕有善緣壁者從東偏以上及半見矮屋負厂其聲鼯遂戟刺之以死登其巔見守砦門者以鬪我軍死一人後繼者力鬪遂克其砦泉堦既平旅長讓功于縣知事自是餘匪雖掠人入山無寄處皆以販鹽爲業不敢作賊

續滕縣志

卷四

二十五

賈良田蠡縣人也駐滕爲參謀長旅凡數易長而賈參軍事如故也癸酉冬除夕前一日邑治葉氏遭搶掠皆衾服也當時疑爲商家練勇相隨牽入獄命下將屠之賈力爭以爲未可旅長曰將令也賈曰將令固也特查然後辦耳不如與縣長會訊不查而科以重罪儻犯從別處發覺將何以處之乎既而罪人斯得旅長曰至矣哉賈參謀之言也幸教我以道有捕賊者旅長親鞫之曰汝通匪乎笑曰然汝作賊乎笑曰然應如響既而重木偃其身桡一桡不呼譽而粲然遂置于獄越夕賈方作書數易紙仍不就心竒亂如轉蓬出有五人者已入市曹矣其一則

笑應如響者也急躡獨輪追回而東方父老具狀以至云是病瘋者也旅長命釋之而尸四人于市

吳俊卿字錫九武定人聞賊輒捕駐滕數年未嘗擾民或貌為卜筮以迹盜藪與土著人相得也

法院院長

許璧 十七年九月去任

趙冠駿 十七年九月任

劉承勛 十八年九月任

杜樵生 十八年十月任

李世恩 十九年四月任

郭皋 十九年十一月任

程蘭湘 二十二年三月任

法院檢察官

胡相賢 十八年三月任

曾國璋 十九年五月任

任緒洛 二十年一月任

續滕縣志

卷四

二十六

李安國 二十年四月任

黃景柏 二十三年五月任

楊定清 二十四年四月任

警察局巡官

民國元年年至十六年卷均散失

閔金聲 九年任一等警佐高密縣人

張光炳 九年任二等警佐高苑縣人

李壽春 十年任一等警佐淄川縣人

孔慶標 十年任二等警佐曲阜縣人

張光炳 十一年任一等警佐高苑縣人

祝鳳章 十一年任二等警佐歷城縣人

孔慶標 十二年再任一等警佐曲阜縣人

公安局局長

閔青 十七年任湖南人

陳傳鈞 十七年任滕縣人

李靄廷 十八年任安徽蒙城縣人

李筱初 代理一月

孔慶標 十八年任曲阜縣人

劉汝德 十八年任河南人

高汝南 代理二月 十餘日

黃勉齋 十九年任歷城縣人

米得貴 十九年任河南人

蕭鎮楚

北十九年任湖

白獻珍

徽二十年任安

苗自瑞

南二十年任河

馬鴻達

奉二十一年任

馬毓秀

慎二十二年任歷城縣人勤

民團大隊隊長

王勤邦

年十九任

竇振海

年二十任

李肅侯

年二十任

石敬業

年二十一任

劉建銘

勤二十二年任捕賊

財政管理員

鍾星台

孫永昭

張思九

朱象炤

魯景璋

財務委員會委員

十三年由財政管理員改

王乾四

黃義軒

黃以元

王仲陽

黃以凱

趙甫唐

胡防臣

續滕縣志

卷四

二十七

財政局局長

十七年由財務委員會委員改

秦仲養

黃以凱

縣政府第三科科长

二十二年由財政局局長改

黃以凱

勸業所所長

自九年始

倪宗道

實業局局長

十五年由勸業所所長改

倪宗道

建設局局長

十七年由實業局局長改

莊貫斗

鄭作櫓

陳人鑄

周振芳

王寶欽

姜振文

縣政府第四科科长

姜振文

黨務沿革第三

民國十五年春省黨部派魏棣九李佩賢到滕經營徵收黨員四十餘人黨員大會選出魏棣九莊貫斗秦仲養倪貫一李範九五九五人

十六年山東省改組委員會派莊貫斗李範九魏棣九李佩賢殷惠軒秦仲養黃支田七人爲本縣改組委員

十七年四月由山東省黨務指導委員會發表李佩賢黃支田魏棣九殷惠軒秦仲養莊貫斗李範九七人爲指導委員

續滕縣志

卷四

二十八

十八年三月山東省指導委員會選出執行委員魏棣九黃支田秦仲養殷惠軒楊四升候補執行委員李開均倪貫一田子涵監察委員李佩賢鄭作櫓莊貫斗候補監察委員王廷弼九月由省黨務整理委員會令改爲整理委員會派李開均朱興汶武儒爲整理委員

二十年省整理委員會先後發表姚炳南孔遠衢呂子柴萬惠侯爲本縣整理委員嗣李開均因病辭職省整理委員會改派張化一補充呂子柴經省黨部調回復派劉騫若補充

二十一年一月省黨部將姚炳南調回派張貽棟繼任是年六月二十五日舉行第二次全縣黨員大會選出萬惠侯張貽棟

劉騫若孔遠衢孫慕周爲執行委員魏棣九秦仲養李範九爲候補執行委員李恩亭張潤周魏畹九爲監察委員劉俊魁爲候補監察委員

二十二年三月十四日省執行委員會另派劉俊魁徐春藻孫慕周李恩亭黃啓厚五人爲整理委員黃啓厚辭職經省黨部於六月十五日派丁幹補充六月十七日李恩亭經省黨部調回派劉效義補充九月十五日省黨部將劉效義撤回仍以李恩亭充任

二十三年九月十二日省黨部調回孫慕周遺缺派聶近晨補充

續滕縣志

卷四

二十九

黨部職員

委員 劉俊魁 徐春藻 李恩亭 聶近晨 丁幹

職員 總務幹事 韓松岩

組訓幹事 宋光遠

宣傳幹事 胡忠鎮

選舉第一屆參議員

陳名豫 李慶施

第二屆省議會議員

李慶施 張思緯 王雲廷 劉毓楨 徐來楫

第三屆省議會議員

王士新

本省農業蠶科系畢業

李心海

蘇州成烈體育畢業

李樹勛

內務部高等警官學校畢業

武功選舉

陳傳鈞

黃浦軍官學校畢業

張長庚

增生由福建隨營學校畢業七等嘉禾章福安同安縣知事

陳傳釗

黃浦軍官學校畢業

馬寶策

由廣東黃浦軍校畢業後以積功仕至團長傷左背

湯震方

黃浦軍官學校畢業

張崇勳

由增生蒙東三省保舉補用縣知事

朱興文

黃浦軍官學校畢業

趙慶祿

由勦匪功蹟頻年勞瘁鄒滕嶧費四縣公舉為練長政府允之自是

毀家紓難不顧身命兼辦善後土匪以平

周士元

繼趙慶祿為練長功蹟勞瘁與之伴

人物志第四上

補遺

祖伊

商書奚仲裔通鑿輯覽

續滕縣志

卷四

三十一

曾子

續山東考古錄引論衡南城之冢曾子祖父葬處也今名曾子山在縣境

人物志第四下

民國孔慶塘字文池滕之龍岡人也幼略讀書及莊入天津武備學堂傅相才之遣赴德國究心習造礮理法遂徧歷礮壘精于兵器之學光緒乙未聶忠節公命管武衛前軍礮隊兼全軍礮隊督操隸姚棨巖部下歷舉歐西教練兵法如隨營學堂野外肄春秋大操置講堂官長目兵分級教授聶從之庚子之變聶奉防津命戰有日矣直督裕祿旋奉命盡殲洋人乃招集諸將大礮橫列海光寺綿互二十里欲將各租界一洗而平之當是時各國領事及教士皆在租界避難乃曰此國際所在也當

爲善後計請聶亟阻之聶自以語音闇率以見裕及諸將痛陳利害皆爲動容事遂寢後有和議餘地者皆此言力也宣統己酉四鎮校閱以贊畫勞晉總兵歷官山西大同鎮總兵民國元年李樹蔭結大股土匪盤踞獨山湖將大舉圖東省乃督率水陸各營一鼓擒之兗州既肅清遂署兗沂曹濟道七年卒

餘見藝文

志

孔昭玉滕之良維雙溝人也聖裔爲廟中五品官以膽氣勇敢聞于時與鄰砦趙慶祿相善也丁巳戊午閒滕費嶧盜大起滕之東萬山盤互賊倚爲窟穴時出沒生捉人必盡其產而取贖焉當是時雙溝砦中不過十數家多射獵敢戰義不附賊而守

續滕縣志

卷四

三十二

又最堅以故賊相戒不敢犯一日二賊至入砦謂曰我與若無相害意然聞有德意志槍幸暫假我事捷當不日還也昭玉佯好言慰之爲之設食食未半乃召丁壯擒賊其一脫身走遂生捉其一立斬以徇郭傳禮者賊酋也以五月十二日率其徒黨數十人將往掠山北某砦雙溝適當其衝賊特假途過焉非有意圍之也昭玉由睥睨閒擊殺數十人賊酋負重創昇去由是心銜之欲報復而未有閒也未幾傳禮率其徒復至將東出昭玉率義勇徼之趙慶祿聞礮聲亦以其徒至賊不支東走追北三十里見崇岡巖巖皆曰此費境之泗山也路不可識矣既止賊疲極匍匐蛇行以遁郭傳禮愈益日夜圖報復乃招集伶人

及飛行絕足善緣壁者曰力未厚不可以攻復四出乞援合賊酋六七部落得敢戰者五百人以庚申九月二十三日傳寨三匝昭玉登礮樓指揮以守守甚堅賊穴壁如洞可以入矣然未有敢以身試者時天已昏黑對面不識人一伶刺壁半寸背快槍手自來得槍躡以登既入手槍連鳴如貫珠適警夜孔憲富至疾然火槍以應未中也事急不及復拈藥而賊所手槍朽亦不及再入子於是以背槍拌擊之憲富亦持火槍力鬥將不支賊方探物脛袴中孔憲智適出其傍疾以長刀揮之力猛賊幾顛手摸之刀猶在鞘也急拔出斫之肩首異處既而一賊如飛鳥以下憲富然火中之顛適有健婦以長釵鬪之首立碎一賊

已登矣見勢急逸去戰方酣乘障者擊斃賊十數人獲自來得槍一快槍二賊將遁矣俄而風獵獵大起賊曰此天贊我也傳砦茅屋十數間盡然之賊得一肩輿竿曰可爇也縛薪投砦中屋盡然昭玉大呼曰無恐第力守趙慶祿救兵至矣賊于火光中目之曰中應槍立踣砦中壯士二十四人擁老幼婦女斬關出免者十七人死事者五人賊見婦女出呵之曰出斬汝于是皆回身赴火死昭玉子奮刀出圍賊牽其袂即斫賊亦免事定閤砦死者四十三人然焦爛不可辨無一人下賊者孔憲富者昭玉子也日夜志復父讎既而偵郭傳禮攜重貲至徐州將安居矣遂糾官弁天未明入其室擒以歸以是冬十二月十一日

立誅死

邱昌錦字茂軒滕縣夏鎮人也幼失怙貧甚以肺腑戚託於張氏職樵蘇炊爨雖甚寒不稍輟既冠以光緒壬午仗劍從軍是時銘軍方疏濬塘沽公與其役寢饋於冰天雪窖中數閱月既而入北洋學大秦兵法跳盪坐作習之熟技絕精乙未歲旋充新建陸軍教習操法口令爲全軍冠北洋練兵大臣見而奇之由左一營領官擢第六鎮二十二標一營管帶旋遷武衛左軍督操官旣而宿衛京師辛亥秋楚湘先天下發難四方草竊乘釁而起然皖北爲尤最遂以湖北巡防軍右路左營管帶往當是時潁州陷十餘日矣安武將軍倪嗣冲責恢復甚急昌錦曰

續滕縣志

卷四

三十四

事至此不身先恐城堅不可猝拔衆猶豫未決自著短後衣拔螿弧先登乘障者彈落如繁星昌錦躡牆以上大呼曰衆畢登矣賊知不可敵相先後以遁滿城父老歡聲動地以望見顏色爲大幸潁州平再戰於渦陽渦陽者潁州東北門戶地也渦陽不守則潁州危遂奉倪將軍檄隨鎮守使禦之僞民軍瞰潁師之盡出也城且枵苟以全師出不意攻之勢必下遂大舉以至是時潁渦相去二百里守者相顧無所出檄之歸兼日夜程以進是時潁前鋒已挫進抵潁東三里灣爲河所阻叩須無應者而城又岌岌沿河敵騎皆徧昌錦曰寇深矣我軍屢撓所恃者借一耳自分無生路然會當於死中求生遂褰衣以渡擊敵左

守城軍士聞之無不以一當十擊敵右敵腹背不支解以去追北數十里獲槍礮子彈輜重無算倪乃自出郭迎之請卽補副將加總兵銜民國二年擢武衛右軍左路幫統兼帶第一營六月以魯口一役功上賞戰士有差改叙陸軍步兵上校旣而以克復鳳臺功上旋進復壽州又以援蒙城功上又以解壽鳳圍功上補授陸軍中將晉安武軍第五路統領給予二等文虎章嘉禾章八年充安徽陸軍第四混成旅旅長昌錦性揮霍篤子故舊軍歷贛川湘鄂所至秋毫無犯民國十年十月卒

徐廣獻西滕城人也由戎行歷官直魯豫三省巡閱使署副官長以忠信愨實吳佩孚倚之如右手二十二年卒吳爲之慟

續滕縣志

卷四

三十五

哭厚餽之歸其喪以卹其家

高熙柱字友石長于奇門六壬家言其弟謂之日裴松之註三國志言管輅術十得七八今兄十中其九輒過之是勝于管輅也兄曰未至是壽八十四

鄭殿甲由安徽隨營學堂畢業仕至營長於民國十九年帥兵平亂陣亡賜卹金有差

張世義滕東山黃蒿村人也兄弟四人慷慨尙意氣誓不與賊俱生世義嘗以寡擊衆一日戰于絕巘而敗自分無生理躍以下顛于崖石以死半日始蘇而擊賊如故也越數年奉軍帥令要賊出路急去李毓福見其足不著地如御風然異之旣而戰

死其父哭之曰吾子四人亡其二今無意于人世矣鄉之人皆曰識字無如翁家解文理無如翁家辦事之廉平無如翁家願我翁以桑梓之生命爲重拜請垂涕以去

于有富滕人也弱冠從軍至民國初年七十餘矣白髮飄蕭而精神矍鑠如故也仕至陸軍中將銜然貧甚恆苦飢渴張帥委至滕縣屬縣長楊鳳玉酌用既至仍服中將服楊滋不悅以爲我安敢驅遣中將乎時孔繁霖徐來楫爲之緩頰爲警備隊長乙丑秋山東東路敗軍至聲言入城未敢許將鳴礮矣于登城以爲城街窄不能走礮車也城下軍官曰若非于統領乎曰然曰我軍公舊部也當如公命從南門外大道疾驅之圍以解

續滕縣志

卷四

三十六

高孝子宇之滕之高家村人貌頎而長武健絕倫民國初年有結匪酋任太吉糾衆百餘於十五年臘月夜破垣入將擄其父宇之急持刃救護刺殺匪十餘人匪不得逞宇之以中彈死二十三年其三弟守之七弟容之偵知匪酋弋獲伏法

馬寶琦于村人以武功擢營長十四年鄆城一役受創身死馬寶璫于村人由濟南商業學校畢業入直軍爲連長許昌方被困激戰七晝夜以勢孤援絕自刎死

魏孝子玉潤掌大人父元齡辛酉之亂隨父避難遇賊執其父玉潤至挺身解父縛卽謂賊曰此吾父也請殺我以代賊默然良久忽動容曰孝子也殺之不祥並釋之

張彝立埠家嶺人家豐腴每有大徭役皆身任之不一累桑梓也
一方至今稱之

李來綱字提軒王超人貌甚恭雖乞人傭保必以禮遇之有田
千畝盡果枵者腹盜入其室攫蟒服去既而送還自是李氏之

葉敬銓字伯衡高家莊人好議論府縣試十皆第一嘗捐重資

以待枵歲吳公良能墓爲水齧立脩之捐城工千緡聞性善精
舍開塾捐銀五十兩

張孝子蓮芬有匪踰牆自宅後入捉其母以出張持槍伺門外
賊懼釋其母母避去張以勢孤中數槍以亡

續滕縣志

卷四

三十七

義烈

張清溪 孝五保 趙莊

蔣鴻林 智四保 馬山頭

劉二 格上 村

劉蔭琪 禮四保 九老莊

張桂陞 禮三保 辛緒

王慶槐 格上 村

張朝永 智四保 王家峪

李成義 桑村

劉景生 格上 村

劉二成 陡城

邱允中 陡城

葛同 台子 村

張士義 黃蒿 村

楊懋坡 大韓 村

馬繼海 格上 村

張學朗 大峪 村

史得勝 格上 村

吳三 吳家雙 溝村

劉元善 千莊 年

王廣喜 西湖水 內村

李德英 杜安 集村

王玉廷 滕縣華 北醫院

毛得才 葫蘆 溝村

吳學曾 吳家 雙溝

徐學勝 狼窩 頂村

王廣欣 狼窩 頂村

孫才 吳家 雙溝

李傳平

雙李溝家

吳景志

雙吳溝家

閆宗泰

華北醫院

秦慶和

護山後家

孔廣聚

雙吳溝家

李福祥

山泉崗

邢宗遠

北張山

常清河

雙李溝家

李成義

保智三

趙世祥

山泉崗

李傳公

雙李溝家

雷保龍

保智三

張憲友

山泉崗

閆宗喜

山護後家

秦四

保智四

徐敬德

山泉崗

張繼富

北張山

李昌倫

保孝七

徐學杭

後泉崗山

趙開文

山泉崗

張澤漢

村張阿

張潤啓

西泉崗山

連茂朝

山泉崗

趙逢雲

山拖絡

劉景福

山泉崗

童金湘

山泉崗

張霞光

莊張家

沙明勝

醫華北院

顧宗科

後泉崗山

王三牛

保孝七

續滕縣志

卷四

三十八

劉二助

保智三

李昌允

保孝七

李得信

村張阿

黃以本黃士元周寶仁時眞金

高熙喆碑文云盜熾矣民奚衛舍羣力其何以焉于是李子連曾扶義而起乘匪之來伺也率其鄉人追擊之四義士者曰黃以本黃士元周寶仁時眞金皆不同井也戰甚力盡死焉一鄉哭之哀曰死者長已矣名湮滅而不彰則奈何或又哭之曰死者長已矣老羸之苦飢則奈何已夏大江以南之爲仁爲義者橐以紅粟賑之直銀幣六十以强然假手者充入公家之急而其家之甑塵盎盎如故也李子家森痛焉黃茂才以元聞之曰吾鳩貲故史官曰吾纂言黃又曰吾書丹以庚午冬有碑屹然于昭死事也

劉振清

山拖絡

周茂本

村吳家

謝忠恩

村吳家

張志成

莊張家

張傳第

村吳家

張家俊

村吳家

楊敬章

坡楊家

張百朗

村吳家

張百凱

呂占魁

楊懋哲

村大韓

張傳榮

吳家村人

張家寬

王金保

十七歲歿於江家橋人

張世田

丕先次子世義弟乙丑歲匪圍安子山世義調戰士往

張世可

世義從弟也賊踞唐王寨世

生裕恭

莊生家

閆有道

閆家村人

徐學任

香爐頂村人

楊懋陞

大韓村人

隋振武

隋振生

劉崇善

劉振生

以上南徑皆南徑皆勝之良七市鎮也山居之

民多武當壬戌四月初三日盜魁劉守亭以五百人至將聚巢焉守者日果然吾儕必蒙惡聲矣遂乘障拒之匪悉力以攻守甚堅槍斃墉下者百餘人匪益怒復嘯聚孫美瑶劉守和等千餘人皆匪梟也遂傳其三市劉守亭即張鎮守使所傳呼為鑷鑷劉者也於諸賊中最淫悍初鬻饅首以生故曰鑷鑷劉南徑既為賊所切齒而勢益大遂積薪焚其東門既燹當是時守東門者為隋振武民譽也一若人皆倚以為重推為主俗曰皆主見勢亟冒火運土斃以守堅如故俄而彈自隙中來中腦斃其弟振生拔矛力拒副皆長劉崇善從之賊知不可力攻而守西門者縋走數十人賊因徽纏以登眾畢登遂據其礮檣火烈風

續勝縣志

卷四

三十九

颺颺燄燭天庭燒杆數十家有四賊至東門振生回顧轉門劉崇善助益力賊槍不及入彈繞垣以走二人疾追之斃二人其餘疾遁繼至匪復發槍二人俱死賊乘勢益橫遍肆屠誅以碾骨碎其諸小兒號哭不忍聞當是時壯士死二百四十餘人無後者凡十七家唯守西門者一家獨完然皆貧無所得賊徒喪軍實精銳自是見皆守即避去故史官曰變法之禍烈矣當是時職秋官者掇他方餘咳每匪案上必再三肆駁詰為縣者憚其駁詰之難而樂其故出之易也輒姑息焉而匪之劫掠素飽其貨賂足以動左右其關說足以鼓紳衿嗚呼誰無身家誰無生殖而故縱有罪以毒天下林林者何不能免於今之世也天耶數耶吾不知後之為政

張傳法

咸豐中勤白蓮教匪殉難

王二斗

王志成

楊懋玖

大韓村人

江傳富

西桑橋人

楊懋垚

大韓村人

郭慶藻

寨子村人

苗傳義

陳家人

陳允海

吳家人

張成楷

張宗真

郭廣金

王通林

俱西桑橋人

殷來昌

第七十保

王宜廷

黃甸人

劉宗淮

劉聖堂

田厚道

楊茂山

張興偉

俱東托里村人

林振胡

小岔河人

蘇文彬

蘇振芳

徐玉松

俱軸溝人

武廷襄

武廷欽

俱牛家莊人

陳金元

陳金朋

陳殿賓

陳殿藏

張仁義

王來治

高平

鹿學敏

趙厚仁

俱高家村人

任家富

任家善

任家邦

任昇凱

衡文成

謝寶身

俱南辛村人

朱寶賢

田忠奇

李詩友

大掌人

陳學富

山亭人

張百潤

夏莊人

楊敬貴

黃連山人

王二牛

郭家溝人

童金相

東江人

房金斗

大王莊人

房拔

任喜

橫嶺埠人

高廣義

高錫敬

俱東魯人

于水苓

于清海

丁義成

續滕縣志

卷四

四十

于興海

于效苓

宋高寅

宋家興

張文禮

俱西水峪村人

張運起

張惡英

俱王家峪人

邵士有

桃山人

王允章

華紹卿

俱中黃溝村人

顏崇儒

羊山人

呂國瑞

下黃溝村人

鄧祥雲

臨城人

張敬忠

辛集村人

張憲友

化石嶺村人

連茂朝

水泉子村人

徐敬德

全上人

趙士學

黃土崕村人

趙懋脩

崑崙村人

趙德科

全上人

王廣欣

香椿窩人

党文海

侯二存

俱張保莊人

蔣宏林

馬山人

顧宗科

賈莊人

徐學杭

張保莊人

陳東發

同上

邢宗遠

姚窩村人

張繼富

獨古城村人

張桂岩

張桂雲

班珩村人

徐敬仁

李紀元

李紀鴻

徐敬和

俱團山村人

李現德

李山頂村人

閔廣才

閔昭榮

俱十戶村人

張苓

張興

俱北河村人

殷茂盛

葛同

岩底人

劉炳貴

劉炳義

張士科

崔殿富

俱西良子口村人

節孝 節烈 貞孝

周京士妻李廣興女

王廷麟妻楊知風女

龍宜詔妻孔氏

馬宗教妻王崇義女

馬憲章妻侯以恭女

李來元妻楊氏

劉茂修妻張思瑞女

楊四寅妻宋兆文女

李毓玲女呂妻

殷茂儲妻孫廣本女

高珮霞妻時輝坦女

徐子誠妻李氏

翁正諤妻鍾文房女

甘全翊妻孔廣萱女

孫錫純妻吳氏

楊四璫妻李昌垣女

孔慶諒妻李來經女

王清林妻王氏

韓鳳彩妻趙福祿女

楊四著妻趙蘊卜女

魏成太妻郭氏

續滕縣志

卷四

四十一

邵建純妻楊家渤女

楊雨田妻王東傑女

張鳳仁妻張氏

于世遠妻王瑞廷女

王玉真妻徐清倫女

种化鎮妻劉氏

朱恒鈞妻李爵一女

閆兆貞妻李汝伯女

趙文煊妻周氏

張星才妻王鳳儀女

孟廣貴繼室馬氏

王廣均妻關氏

張成德妻章緯之女

王宜炘妻宋高陵女

李澤漢妻孫氏

楊繼衛妻王義方女

顧宗成妻周清峻女

常世貴妻劉氏

張中成妻周廷元女

高習謙妻王奉墀女

梁傳禮妻常氏

楊家質妻甘允良女

楊興堂妻朱鳳詣女

馬源春妻盛氏

孔廣瑚妻李汝題女

丁訓行妻張友榮女

馬思讓妻宋氏

呂清桂妻馬廷光女

鞏丕勳妻郭丕榮女

馬宗運妻王氏

張秩爲妻殷桂萼女	李維邑妻顏昌猷女	趙欽璣妻呂氏	明傳柱妻謝景堂女	周文岐妻王效樊女	趙明照妻高氏	劉隨山妻李青藜女	楊凜照妻孔廣堂女	王啓阡妻徐氏	楊凜維妻孫遐齡女	郝梁棟妻李福來女	曹學思妻殷氏	劉允英妻張茂蘭女	劉昌愈妻李大榮女	孫奉彬妻顏氏	馬熙嘏妻葉崇俊女	謝景泰妻郭平坦女	吳蔭彤妻褚氏	馬應棠妻鄒漢彩女	馬熙純妻劉俊英女	馬成章妻李氏	丁珮璽妻宋可從女	郭德榮妻李修品女	馬廷相妻韓氏	黃久岷妻郭阜南女	李守南妻王繼莘女	王家柚妻鍾氏	翟宗孟妻滿邦培女	金學敏妻趙滋女	張崇脩妻孟氏	黃有倫妻董夢經女	黃斯趙妻陳延祐女	徐士相妻武氏	郭玉義妻王際豐女	郭玉禮妻邵興文女	滿星斗妻郭氏	孫貴德妻鄭允榮女	路金卓妻孫奉先女	曾廣沂妻傅氏	黃興塾妻狄秉濯女	劉傳良妻張繼孔女	曾紀緒妻徐氏	馬鎮寰妻滿宗田女	殷茂甲妻种成鄆女	李欽敏妻時氏	賈金科妻張炳麟女	王玉齋妻呂坦女	王德雨妻張氏	張宏仁妻季國傑女	仲統訓妻王正謨女	田秉伸妻吳氏	劉存德妻張秀元女	張宗仁妻馬紹周女	譚允之妻滿氏	王克信妻陶永年女	徐傳家妻連崇德女	孔慶莪妻張氏	党克誠妻李祥女	李文朗妻聶長安女	孔慶菊妻李氏
----------	----------	--------	----------	----------	--------	----------	----------	--------	----------	----------	--------	----------	----------	--------	----------	----------	--------	----------	----------	--------	----------	----------	--------	----------	----------	--------	----------	---------	--------	----------	----------	--------	----------	----------	--------	----------	----------	--------	----------	----------	--------	----------	----------	--------	----------	---------	--------	----------	----------	--------	----------	----------	--------	----------	----------	--------	---------	----------	--------

王以模妻褚思敬女 任亮彩妻張念友女 滿克亮妻王氏

王上詮妻趙星煒女 方鳴才妻孔昭明女 崔珮瑛妻楊氏

滿洙涵妻張以芳女 張 曾妻喬 梁女 任開業妻關氏

趙華亭妻王錫朋女 陳世裕妻顏殿英女 趙金斗妻楊氏

梁宗英妻李氏 梁星元妻劉氏 楊文均妻李氏

朱長久妻秦恆春女 梁育軒妻張廷棟女 朱承訓妻張氏

梁興均妻孫士德女 王效均妻王士坦女 朱承蘊妻李氏

劉玉瑚妻梁氏 王家麟妻趙憲春女 朱承春妻魏氏

王家科妻呂守典女 王家珍妻閔廣軒女 蔣玉成女適殷

王士俊妻趙 貞女 蔣鶴亭妻王玉連女 張傳法妻丁氏

續滕縣志 卷四 四十三

王家修妻張士樸女 楊斯美繼室陳氏 杜言昌妻商氏

張廣陸妻王修齡女 高熙喆為之傳曰人必志死而後身輒隨

死之遽也張子尚劓者吾友也 有豕子曰廣陸娶高廟王修齡
女年三十五病瘵喀喀數月王氏日夜之所以侍疾者形神為
已悴矣既而廣陸亡蓋棺之夕翁姑深慮於其婦俾環伺其
旁而兀坐者非其姒娣即戊姆鄰嫗也蓋已周一晝夜矣婦察
之率倦而微鼾牽帷參戶以人俄而守者皆驚醒疾趨之視之
無迹也聽之無息也熟審之身繫乎棲觚帛拖乎牀額婦體故
重其瞑也如委蛻焉蓋雉經也古人有言人莫重乎一死蓋深
苦夫死之難也雖然特患其志不一乎死耳苟一之如飢渴之
逐食飲其甘之也必矣是謂志死夫志乎死者 徐文淦妻劉氏
雖死不苦也是為癸丑年五月二十六日也

張振紀妻趙修紀女 馬清璽妻周坦幹女 王士元妻李氏

沛縣薛問山妻滕縣盧有朋女 高熙喆文曰烈女殉貞一邑聞

者盡悲之事在庚午四月二十
一日也 女姓盧氏父曰有朋沛邑薛問山納采焉未嫁也年十
八矣甲夜有賊十數人突其室鄰女亦在焉賊曰誰歟曰編髮

而鬻者是也一賊握女辯疾以出衆從而簇擁之鳴銃驚人既出而西南行聞衆賊謹卸聲女怒罵聲刀槍鳴聲既而聲漸遠一家人皆哭次日迹之得之所居李家橋七八里外然去邑治而南已五十里矣始女之出也賊促之行不可乃以利刃恫喝之不可遂徧身刺之膚無完者女口不絕罵衆怒乃上下鳴槍擊之或曰彈而銳者由左頰入口以出也或曰彈自左脇上入透腋以出也或曰自左太陽穴以至額角利刃戩之也卻顧所來徑麥盡偃如鹿場然昇以歸遍視其身膚縷如也濺血噴珠纍纍然余曰葬乎族曰未

生克典妻孟繼賢女

夫卒六日自縊以殉

杜繡林妻生宗周女

張萬福妻錢玉珮女

閔繼洪妻滿氏

張振南妻吳鳳侶女

張維鑫妻王德馨女

劉允華妻鍾氏

張維深妻党鳴山女

吳開軒妻曹小耕女

杜子成妻邱氏

張成疆妻張氏

夫卒自縊

閔守晉妻張氏

夫故越二十日自經死

黃金桂妻劉毓美女

王德勤妻胡詩性女

王有洵妻費氏

續勝縣志

卷四

四十四

簿振紀妻种成運女

种化貞妻郝士本女

薛朝君妻李氏

李毓倫妻魏廣知女

楊斯言妻李宗泗女

葉毓璽妻黃氏

呂榮茂妻魏覺甫女

王寶藟妻劉維然女

任金成妻馬氏

李大拙妻鍾振益女

孔昭輔繼室胡氏

任興緝妻趙氏

魏士敏女朱廷涵妻

王文喆女朱玉璋妻

孫處籍妻邵氏

陳正業女鄭心簡妻

性幽靜翁有篋室馬氏既殉節遣弱女撫養長成經理奩嫁家雖寒特耿介親戚餽

以財弗受也

劉傳璇女嶧人孫晉義妻

匪亂晉義被綁中途逃回以驚死死二日乘殯夫雉經死

徐秀嶙妻陳芳林女

夫病革婦向夫泣曰既無翁姑事奉又無子嗣撫養有不諱定相從地斷不以孤

寡之身累夫弟也夫卒百日後吞阿芙蓉膏兩許以卒

張氏潘士幹妻

潘卒絕粒死

高文保次女

母氏葉教甚嚴不令讀書女心思深沈敏于學遂識字又好為難能於天文六壬家言皆默識焉每

遇軍務蹇難葭苒之親輒遣婢媪問卜皆中從兄熙喆將之南通詢休咎日今年乙丑歲星在斗牛吳越分野也伐得歲者必不免明年游都在吳越南通吳越地也其將亂乎是年楊宇靈姜登選帥師入金陵旋遁去厥後皆不令終南通亦遇兵禍踰歲有白氣半天如大團繞日而暈其兄問曰人皆爲日套三圖然否是何祥也曰非也白虹貫日耳當主北方損一上將旣而聞張作相歿以爲應在是矣越歲北邊果遇鐵轡之禍女病療瘵願奉母以終老故未字現年七十四歲

孟體榮女馬宗鼎妻 种化麻女王毓楷妻 劉復立妻孫氏

宮玉清妻 宮故盜也劉毓楨薦入縣武弁當土匪亂極時詗察以守南門匪無敢入者城卒完數年病歿妻投繯死

韓繼新女楊毓麟妻 彭俊齡女呂效斯妻 孔廣偕妻楊氏

滿介增女閔廣學妻 孫永智女字本邑張景煜 及笄未嫁也張卒服砒死

孫處淮妻凌建桂女 孫厚訢妻周義彬女 常大美妻李氏

甘同海妻杜蘊松女 甘同安妻程學正女 曹文壁妻李氏

續滕縣志 卷四 四十五

孫厚恩妻王符卿女 孫應世妻黃筠軒女 劉鴻友妻李氏

孫奉宣妻王家彩女 殷文昌妻曹德清女 李家典妻孟氏

史桂山妻段志厚女 王士鎮妻李富春女 劉鴻喜妻曹氏

王允中妻梁懷真女 夫故月餘被人逼嫁自用剪刺面流血乃止 曹文賢妻王氏

馬成英妻鄒氏 夫卒自縊死 曹化宇妻潘得益女 曹化謙妻顧氏

曹文傑妻劉家正女 曹文一妻劉傳信女 曹化爲妻汪氏

張立常妻集條公女 陳克朋妻曹化真女 孟昭田繼室 胡氏

曹昭義妻張建丑女 曹昭寅妻殷昌德女 許玉琢妻張氏

曹德經妻潘戒三女 蕭治銀妻單殿奎女 孫厚誠妻吳氏

周秉均妻華氏 高熙喆文曰邑之腹背山以居者輒礫何多奇節微獨丈夫爲然也雖婦人女子亦如之烈婦

者生於費邑之申家莊母家也卒於滕之良七桃溝村夫家也
方于歸時年十九歲于歸之三年而寡遺孀女一亦既矢志
承翁姑躬子職矣以壬戌二月戊辰夜盜大至猝其髮呼奴
馬強之上婦切齒罵批其頰賊以槍逼之罵益厲勢方洵乘
間撥道旁卵石擊之中其首賊怒遂發槍洞胸躡而顛賊釋去
昇以歸氣絕半日矣既而瞪目以視日代夫職吾志也今已矣
遂卒是時婦年二十九歲鄉人義之有太學生梁傳典者家不
名一錢自負糧急足走五百里至省以聞大總統金書節勵松
筠字旌之紅錦緞徽章爛若雲霞亦至氏夫族曰周秉孔天機
士元者獨任刻石扳生員趙慶祿孫祥文丐余為銘余聞之數
君者率能糾合數十村落以擊賊折其距角一方有大事勇可
任銘曰天沉沉兮闕雷鼓地睢睢兮闔其戶大何一任羣兇之
讜午兮而罔赫斯怒吁嗟乎惟周秉均之妻兮寔惟華光義之
女生不逢辰兮罹毒苦蔑視跳梁兮如狔犢戟手以罵兮髮上
指桀石以投人兮亦莫敢侮跳梁兮如狔犢戟手以罵兮髮上
目瞑兮忽回光而一覩云夫職之不能終兮他無一語吁嗟乎
如此婦人兮足千古不律我執兮淚如雨其
生也與懷清結鄰兮其沒也與摩笄為伍

孫處雅妻凌氏

郭毓義妻王際豐女

楊懋坪妻党會東女

置賊賊手
槍洞胸死

續滕縣志

卷四

四十六

孫處玠繼室楊氏

烈節

郭毓禮妻邵興文女

孫處俊妻邵氏

徐允惟女劉獻宸妻

黃斯趙妻陳氏

李孟欽妻秦氏

李昭瑛妻曹景尼四女

李成恩妻嶧縣徐貴榮次女

丁化坤妻曹景尼長女

張秀忠妻馮啓增長女

戴長林妻孫建瑞女

王鳴鶴女郭佩瑾妻

俞承緒妻李氏

張天吉女楊寶忠妻

劉福策女苗傳美妻

俞肇桐妻李氏

孟昭瑞女殷茂松妻

李從仁女殷延紀妻

劉漢藻妻任氏

孫孝忠女陳克守妻

張恆產女郭繼山妻

張大省妻龔氏

崔桂模女郭繼昌妻

宋德馨女張心傳妻

張步雲妻章氏

楊思海女張長秀妻

王玉善女李繼令妻

張碧雲妻彭氏

宋芳用女戚建鳳妻	殷泗昌女李廣茂妻	孫嗣璽妻胡氏
孫葆漢女殷福昌妻	喬永愼女李開謀妻	黃久貞妻郭氏
楊明里女劉彥治妻	張金棟女党玉桂妻	張建遠妻劉氏
王與吉女李昭榮妻	張兆吉女王化南妻	張亮遠妻湯氏
張立鳳女李會文妻	殷印昌女李成義妻	張視遠妻仇氏
殷貢賢女李繼學妻	殷茂虞女李昭瑞妻	郭相鋤妻劉氏
李成友女劉茂蘭妻	宋性女閔世德妻	郭德洋妻劉氏
馬榮先女王錫齡妻	蔣立才女柳榮志妻	狄全斌妻李氏
劉化南女張思廷妻	田振安女閔兆光妻	陳延緯妻張氏
張繼善女閔守泰妻	裴兆唐女閔宗孔妻	孔憲銀妻李氏
郭士公女徐來儀妻	張鍾傑女徐惠清妻	孔慶埜妻邱氏
孫丰蔚女俞肇瑚妻	狄玉貞女孫清杓妻	孫登岱妻杜氏
馬興運女殷忠賢妻	徐謹軒女邱學太妻	楊興傑妻劉氏
孫朗女李文芝妻	楊清選女殷鳳昌妻	李汝棟妻崔氏
王安女陳恆貴妻	孫文禮女陳玉崑妻	李學成妻陳氏
高允和女秦瑞廷妻	王毓霞女褚衍宸妻	趙鍾良妻韓氏
孫茂梧女王奉照妻	劉慶喜女孫玉田妻	李振田妻張氏
滿元宗女杜華亭妻	龍宜霖妻胡詩義女	李心憲妻龐氏
馬昭斌女李振泉妻	滿繼珍女龍應鄺妻	陳振羽妻邱氏
徐秀桓女龍宜誠妻	楊家敬女王夢麟妻	陳今平妻孔氏

張立品女王振愚妻	滿德芳女王振耀妻	王應蘭妻邱氏
李云德女徐錫奎妻	趙振岱女王振興妻	張義唐妻朱氏
郭明倫女魏成太妻	劉汝林女龍宜訓妻	張義芝妻李氏
孔昭理女陳勵春妻	趙立則女王守坤妻	陳子卿妻俞氏
陳今度女王守相妻	顏承富女孔繁傑妻	陳權妻王氏
陳啓三女趙憲德妻	呂開緒女王元達妻	李玉界妻于氏
于奎忠女龐廣元妻	蔡培良女孫承蔭妻	陳崇虞妻劉氏
張元良女周傳文妻	張傳賢女宋相臣妻	劉元修妻李氏
王榮一女劉允釗妻	李功儉女楊斯愨妻	單培鈞妻李氏
徐士春女陳崇諾妻	李貴元女陳公宇妻	張葆桂妻徐氏
續滕縣志	卷四	四十八
陳崇悌妻龐成魁女	張鴻仁女李學銀妻	張捷三妻趙氏
單榮潔女武保山妻	孫士俊女單榮開妻	鞏丕勳妻郭氏
王朝幹女張念恭妻	趙清憲女張宗仁妻	劉來妻黃氏
李忠元女張延嗣妻	張念友女任亮彩妻	陳太運妻華氏
胡啓占女任天施妻	黃文諾女任錫岑妻	劉得芳妻李氏
彭吉林女任子麒妻	趙興運女王德潤妻	徐來福妻楊氏
趙文華女耿秀平妻	孟繼綱女邢懷恩妻	張安清妻范氏
段贊臣女宋志剛妻	秦繼洙女段復標妻	徐芳禮妻田氏
張丹廷女段克生妻	甘繼遠女段永恆妻	張永太妻丁氏
楊硯田女段孔彰妻	張學範女段復建妻	王成學妻夏氏

楊廩餘女李獻廷妻 李亭茂女段克久妻 胡寶田妻張氏

崔鳳山女段允念妻 侯近古女段克存妻 韋相林妻相氏

邱礪山女段正錦妻 彭學銓女孫厚才妻 胡硯田妻馬氏

張子貞女俞復振妻 張興騫女俞炳章妻 王柏有妻徐氏

周庭元女張成中妻 嚴中烈女張宗榮妻 連丕榮妻黃氏

李洪勳女孟憲岱妻 孔昭璵女俞漢章妻 翟貴川妻李氏

劉鳳章女趙世泰妻 梁良弼女黃文雅妻 任子鑫妻王氏

劉玉章女徐振蘭妻 王以節女蕭繼美妻 任秉陶妻黃氏

周仲蔚女劉文傑妻 張立明女种化偉妻 孟繼祥妻徐氏

張立 興茂妻 亢 碩女張立方妻 任天記妻李氏

鍾廣勉女張成錦妻 种成兌女張宗盛妻 張芝生妻劉氏

王守選女張繁立妻 高明尚女王廷芳妻 張作霖妻劉氏

任秀嶺女張學立妻 王繼冉女張成綱妻 仇殿瑞妻柳氏

孟繼綱女邢懷忍妻 褚思訓女張宗藩妻 仇心存妻趙氏

孫立業女張立廩妻 劉漢魁女高步青妻 李學周妻張氏

黃敦樸女張鏞立妻 孫長雲女張宗幹妻 李存厚妻張氏

姚彥英女張宗湘妻 楊俊儀女孟士奎妻 龐二虎妻宋氏

李化亭女徐保常妻 孫長綱女滿鳳丹妻 孟廣存妻秦氏

馬奉軒女王瑞盛妻 魯珮九女孫宜聘妻 張炳麟妻楊氏

褚敬樸女孫嘉棟妻 宋學恕女孫永錡妻 張 溪妻曹氏

張宗海妻潘氏 楊斯榮妻史氏 杜廷幹女王奉寅妻

劉奉漢妻隨氏 孟繼和妻王氏 王榮之女劉家魯妻

王桂庭妻李氏 劉奉淮妻單氏 韓玉璞女陳景春妻

劉奉溪妻王氏 張金全妻王氏 趙端妻張承基女

王寶倫妻郭氏 王寶正妻宋氏 龍宜彭妻朱大成女

劉迎年妻郭氏 孔繁寵妻龍氏 于歸之明日夫故越月飲藥卒

隨芳東妻張氏 鄧星悅妻王氏 龍應淮妻李尚義女

劉全山妻李氏 劉全玉妻殷氏 葉毓璨妻党金瀛女

劉允樸妻張氏 孔慶榜妻張廣璧女 夫故飲藥卒

趙景成妻蕭氏 高習謙妻王氏 王奉朝女楊汝璋妻

續滕縣志 卷四 五十

龍應漢妻孫氏 王德洪妻孔憲典女 夫故六日絕粒卒

趙立殿女 父業鬻飯偶出女代之營卒擲塊調之父歸聲於營官官以強暴相向女羞忿雉經卒

龍宜經妻杜氏 王克富妻陶氏 孔廣濂女王毓芬妻

王寶嗣妻趙氏 王寶愛妻劉氏 李慶林女王延裕妻

王裕存妻孔氏 郭振永妻葉氏 李秀賢妻魯學彬女

田學泗妻李氏 鞏德榮妻張廷周女 夫卒後十八日自縊死

婁守箴妻劉氏 丁仲獻妻种成文女 夫卒雉經死

袁敬存妻段氏 袁茂春妻劉氏 李文平妻郭氏 送夫葬後自縊死

袁立璋妻蔣氏 袁洪業妻李氏 劉學禮妻龍氏 夫沒四日殉於井

魯均元妻李氏 高士明妻劉氏 王德昌妻李尚言女

王有湘妻李氏 王有功妻王氏 王志耀妻張氏

高玉珍妻曹氏 殷延纁妻張氏 种莪生妻王氏

鄭允元妻陳氏 殷延阨妻趙氏 殷琰昌妻孫氏

殷茂苒妻張氏 殷延廩妻董氏 殷懋材妻孫氏

陳克彰妻王氏 劉瑞妻 夫故二日服阿芙蓉膏復自縊以殉

楊四福妻陳氏 梁振祥妻李氏 种化恆妻傅氏

宋德坤妻殷氏 宋可儀妻姜氏 宋永春妻景氏

宋欽貴妻侯氏 宋高松妻劉氏 宋芳芹妻張氏

宋芳芹妻徐氏 李朝陽妻尹氏 張繼美妻劉氏

劉恆亮妻管氏 劉恆堂妻王氏 孫蔭枝妻李氏 夫故即自經

續滕縣志 卷四 五十一

甄崇德妻張氏 甄聘卿妻馬氏 續元長妻甄氏

褚敬備妻姜氏 宋思九妻劉氏 宋克岐妻趙氏 夫故自經死

高培忠妻李氏 于存誠妻張氏 王懷獻妻沈氏

張效剛妻李氏 邵霞苓妻李氏 邵孔苓妻張氏

程文朗妻胡氏 甘同海妻程氏 程光燦妻周氏

張允吉妻華氏 郭其吉妻韓氏 孫松圃繼室劉氏

羅吉甫妻王氏 种化河妻渠氏 秦應第妻种氏

种化洋妻蔡氏 喬氏字張 未嫁夫病喬氏往侍湯藥夫卒守志以終

傅慶貞妻王氏 郭金光妻張氏 郭進中妻劉氏

莊文資妻孫氏 丁掄昇妻党氏 丁承法妻張氏

王松銘妻丁氏 王志政妻王氏 宋孟妻黃氏

李家光妻徐氏 丁殿墀妻朱氏 丁思賢妻彭氏

鍾延基妻薛氏 顏承鑾妻張氏 王恆評妻朱氏

丁心虔妻徐氏 王裕珩妻王氏 丁承宸妻朱氏

丁烈女字王氏 父襲儉未于歸 夫卒仰藥以殉 孫芳田妻李氏 夫故自縊死

劉宏言妻孫氏 張殿玉妻童氏 王宜忠妻孫氏

姚允成妻楊氏 李奎泰妻姚氏 孔憲滋妻楊氏

李東交妻劉氏 王恆立妻甄氏 甘全任妻高氏

甘同相妻郝氏 王寶聚妻孫氏 王寶明妻劉氏

盧朝德妻戰氏 王廣英妻李氏 趙懋詩妻孫氏

續滕縣志 卷四 五十二

趙德科妻李氏 趙炳文妻陳氏 李祿遠妻牛氏 夫卒二十四日自縊

王照榮妻王氏 任秀岑妻韓氏 徐正恩妻席氏

种衍誨妻劉氏 張福臻妻劉氏 劉天賜妻蘇氏

閆宗茂妻王氏 張桂峯妻韓氏 王蘭芬妻孫氏 夫卒三日仰藥以殉

張桂林妻趙氏 李端瑾妻陳氏 陳學宏妻王氏

滿維彬妻李氏 張建一妻楊氏 張宗山妻殷氏 夫卒六日自縊死

張建昌妻曹氏 張宗點妻王氏 王道妻郭氏 夫卒自縊

張宗洳妻常氏 張成羣妻薛氏 魯景先側室沈氏 夫故飲藥卒

郭秀倫妻張氏 張建曲妻孟氏 張宗貴妻谷氏

張建倫妻劉氏 倪守現妻甄氏 殷高祉女楊凜蒙妻

王介夫妻楊氏 王傳芝妻朱氏 尹仲湘妻溫氏

藝文志第五

孔鎮守使墓志銘

柯劭忞

公諱慶塘字文池至聖先師七十有三代孫也明中葉諱彥韶者自曲阜遷滕遂占籍至公十有四代皆以文學顯曾祖廣智妣氏楊祖諱昭振妣氏曹二世皆孔廟五品執事官父諱憲渠妣氏陳公父蚤卒家日落公讀書救母誨蒙自贍已投筆歎曰丈夫不能明經掇青紫盍立懂馬上乎乃徒行至小站入軍中司筆札年甫二十有七是時相國李文忠公設武備學堂於天津公入肄業三年陟高等以研精礮術命測大連灣泉旅順礮

續滕縣志

卷四

五十三

臺習用礮法皆敏練冠其曹聶忠節公器之言於相國奏遣游歷德國光緒己丑從德教習瑞乃爾徧閱諸口岸礮臺又參觀克鹿伯礮廠踰年歸條上軍事方略亟言宜設兵工廠圖建築式周悉相國嘉採之擢北洋軍械局委員建議剏造輕氣球擢花翎守備甲午中日渝盟臺臣劾相國並及總辦軍械局張公士珩公與同僚白其誣且請解於張文襄公乃免衆服其義俠尋丁母憂服闋聶公招之出使統武衛前軍礮隊兼督全軍礮隊操公以軍人懵於學識請仿泰西教練法行之聶公乃設講堂命兵弁分級教授而以公領其事其規條皆手釐定焉庚子秋諸國聯兵北犯武衛前軍守天津衆寡不敵製造局陷公請

於主將夜襲之賈勇先登士卒爭效死卒奪歸泊聶公戰歿改隸武衛左軍守北倉公設伏鐵路橋下敵冒雨至諸軍潰發礮狙擊之始駭退繼守蘆溝橋淫雨糧竭士無失伍者後偵知兩宮西狩公疾馳扈從賜飛虎旂十有六充武衛前左兩軍營務處兼統五營防忻州敵分兩道來侵一軍出龍泉關公僞張旗幟卻之山西巡撫岑公春煊亟稱公知兵奏統常備軍左翼癸卯擢游擊加副將銜巡撫張公曾敷至奏護大同鎮總兵兼統續備軍馬步十營公徧歷要隘部勒明密邊備大飭會河套賊酋劉天佑等入寇歸化防軍潰公自將十五營敗之賊遁據烏拉河合圍疾攻天佑等就禽河套平是役也追奔七八百里所

過秋豪無犯民尤德之晉副將加總兵銜甲辰特旨命代祀北岳及霍山異數也直隸總督袁公素知公丙午調總辦軍械局公曰除戎器必資外購非長算也乃請設製造學堂行伍中自是知有科學矣明年佐四鎮大閱晉總兵未幾雲貴總督李經羲調赴滇倚信與袁岑等宣統二年庚戌檄署臨元鎮總兵以標兵朽頑爲設督練所規畫精謹明年簡授普洱鎮總兵遂入覲會武漢變起方隅幅裂第一軍軍統段公祺瑞留公總理前敵營務處公揆時度勢高掌遠蹠以康世屯事定口不言勞先是公以山東縮穀南北京師屏翰上書袁公陳地方利弊至是袁公命公回籍協和同異以靖閭井未幾盜起豐沛間公方統

中路巡防卽率所部勦之力戰三晝夜賊坳竄明年酋李樹蔭據獨山湖僭號嘯聚復率水陸軍討之殲其醜類遂奉署理兗沂曹兵備道之命公下車寬猛相濟弭亂無形頌聲翕然又明年第二軍軍統河間馮公故與公雅素延參其戎幕以江南水陸營官地軍械局屬公綜覈名實言無不從錫二等文虎章又以五督軍薦材堪封圻付國務院存記換三等嘉禾章戊午山東盜氛日熾公私塗炭公上平賊方略且請肩勦撫之役維時南北閱訌公蒿目國是居閒奔走不辭勞勩十月三日竟以疾終於京邸距生咸豐戊午二月十八日春秋六十有一今大總統徐公軫悼勳舊昇治喪銀幣一千圓加贈上將銜禮也公孝

續滕縣志

卷四

五十五

乎惟孝友于兄弟與人交誠必自奉薄而厚於施其治事則愼以勤其馭下則寬以恕以故能竭人力用所莅皆有風烈爲一時名將云公配杜夫人有柔嘉之則爲鄉邑女宗善持家子二繁霖繁霽美國葛林爾大學學生孫祥真繁霖出天津南開中學堂學生祥瑩繁霽出公卒之明年四月 日繁霖兄弟卜葬公于滕之新阡持狀來請銘劭恣與公同里閔稔公之篤行有古國士風爲素交雖不敏其曷以不文辭乃爲銘曰

鳳德不衰世挺雄喆顯允孔公操履光潔投筆而起說禮敦詩龍豹胷臆智轍其師雷出地奮火攻攸取春秋之戰旂動而鼓公邃厥術靡堅弗鑽壯游汗漫多見曰憫曰憫伊何東邊西截

弓矢便蕃車服稠疊喟茲天步無平不陂密勿闔帳道固委蛇
敬止維桑繡衣濡足式遏寇虐激塹霽黷萑葦有凜黑山大槍
遠猶辰告忼愾麟驤牽率方難咸我頰舌膚功未攄蒙犯霜雪
風摧大樹原隕長星翕輅彝篆荒涼隧扃朝軫扞城埜晞安宅
徽烈勿渝億載片石

高熙喆傳

朔方道志

高熙喆字仲城山東滕縣人光緒三十年由御史任寧夏府知
府丰裁嚴峻下車伊始卽先將署內一切門包陋規革除盡淨
並自書紅諭粘貼堂柱如有仍前嘗試予受同科內外肅然四
渠自水利同知裁撤歸府兼辦弊竇叢生公明查暗訪賞罰兼

續滕縣志

卷四

五十六

施其平日委員首士渠長委管一切侵吞草料包折民夫封漲
賣水等弊洗刷一空每到渠工必親携胡餅與民坐啖僕從人
等均自給口食不准用渠一錢故御下雖嚴而人無怨讟公又
以寧夏邊區文風未振購官房以建學校捐置書籍數百卷親
臨講授校閱課卷至去不倦公惠政綦多此尤其最著者著有
古文鈔六卷

重修總節坊碑文

高熙喆

天不易其節故寒暑不讐地不易其節故山嶽不移夫不讐不
移乃天地自然之至性也與之參而立乎其中者人也賢士大
夫照耀千古者無論矣卽孱釐孤嬰抱此咫尺之義亦得殉摩

筭誓栢舟共分天地之正氣嗚乎尙已余嘗西至賀蘭北守涿鹿以至於大江南北遍覽天下之風俗曰美哉滕乎豈非孟子之遺澤古稱性善之國哉自孟子以後兩千餘年之間節義之切劘人心者已久越我國家漸仁摩義二百餘年故婦德之從一而終者不勝書其不幸爲採風所遺者又不可悉數也當是時公振黃夫子以德行文章顯於當世而郭先生寶琳又以詞賦甲科爲循吏皆有志於孟子之道於是舉一邑之婦節伐山勒石高揭於北門之眉名之曰總節坊蓋六十年於此矣咸豐辛酉坊燬於兵燹然未甚也旣而瀕年苦澇奔流甚箭坊爲所齧斷文殘碣欹仄於斜陽秋草中過其地者慨想二君子之流續滕縣志

卷四

五十七

則子之所慮者亦過矣雖然難信者天也定命者人也修而治之所以維世道人心以繼孟子者將于是乎在是不可以不記

重修章邱縣志序

高熙喆

邑有志討其源乎承其流乎但承其流則常據鄭文寶之徒常爲之如討其源則是周公治世之書也誦訓者周官大司徒之屬也職爲王掌道方志言方而天下賅焉曰以知地事言事而山川草木物產賦役統焉曰以知地俗者則凡齊之猥陳之蕩鄭之淫楚之先強後服無一不在宵旰顧慮之中此西周之世所以至于二百五十餘年而不亂也或曰大矣哉至矣子之說也然通紀一冊志有載有不載子載之何也曰上下四旁曰宇

續滕縣志

卷四

五十八

凡星躔災異輿地皆是也宇也古往今來曰宙安危治亂之所由出也宙也宇宙內事皆性分內事性分內事皆有國家者之所爲日夜思之者也或曰子之爲人物志多寥寥數語何也曰此史記孔子弟子列傳柳子厚先友記例也孔子曰辭達而已矣且士人之載筆也當爲五千年計果如今之爲志一人也連篇累牘積至千數百年以強卻車不能載矣尙欲傳其人乎是以陸清獻之傳曹武惠王也僅四百餘字康對山之傳唐太宗也書至卽位而止焉或又曰子之志藝文多略何也曰陸清獻云凡藝文非有關千生民利病者概不入審是則佛寺之虛無野廟碑之誕幻騷人墨客以聲氣相投贈皆可略也或曰班之

爲漢書也半採馬史豈古人不足法乎曰正史之冗者宜刪其
闕散見于別史或嘉言懿行流傳桑梓及見于諸子百家之書
者宜補或曰馬班之爲史也傳各以類從子反是何也曰馬班
史以天下之大數千年之久其以類從可也一邑墨子地耳人
才幾何而欲與遷固比隆哉或曰賦役民命也子仍前志何也
曰時勢爲之耳外偏強鄰內戡暴客雖有仁心仁聞無如何也
異日天下爲家則故國之典章俱在所願爲天下父母者心周
公之心道周公之道而已語旣肅以退



藝文附錄

縣志刊竣又採輯古人著述二篇近人著述六篇並以高文孝先生別傳刊列於後民國三十三年生克昭識

滕縣時同年西園

蘇文忠公

人皆種榆柳坐待十畝陰我獨種松柏守此一寸心君看閭里間盛衰日駸駸種木不種德聚散如飛禽老時吾不識用意一何深知人得數士重義忘千金西園手所開珍木來千岑養此霜雪根遲彼鸞鳳吟池塘得流水龜魚自浮沈幽桂日夜長白花亂青衿豈獨蕃草木子孫已成林拱把不知數會當出千尋樊侯種梓漆壽張富華簪我作西園詩以爲里人箴

重修斷機祠記

李 洄

續滕縣志

卷四

一

道當周孔垂絕之統而孟子生焉傳堯舜授受之微以上繼列聖下被無窮而母實成之然則孟子道任其傳而孟母天屬其任矣夫以去聖一間未達安行母非陶融屬果安在豈道傳者子道任者母無非天耶星去躔移幾二千載堂之所系人誰究斯魯鄒縣舊有斷機堂列女傳謂母斷機喻先師以學不可止者成毀相尋存僅瓦礫使者楊君國賢按部及此謁思孟廟餘登暴書臺北顧楹墟興感移時時邑無尹卽廉舉滕倅郝君攝其事俾崇廟貌不日告成禮幣走博士劉伯莊請記於余余慨歎曰道貫天地而元氣在人惟參贊以成其功尙何斯堂廢興之有與然日久則堂之所係可知矣載瞻載仰啟迪在中或父

兄相道以仁母子相勸以義積學以勉其所未能力行以達其所未至海內學校所不得與者卽先師母子之教油然浹里閭以及天下嗚呼楊君國賢其眞部使者哉是爲記

魏公邱長霍君神道闕拓本跋

柯昌泗

右魏公邱長霍君神道闕篆書陽文十二字曰魏故公邱長霍君之神道民國五年丙辰直隸唐山縣城北梁村出土

今日河北堯山

縣知事吳興王韶九大成携去藏之拓本稍傳於世予曾雙鉤傳

之羅雪堂師墓誌徵存亦爲著錄戊寅客天津又從市上得一拓本字體與前不同始知出土本爲二石若膠州晉安邱王君河南孟縣鬱林太守趙君諸神道皆具左右同出闕式固若此

續滕縣志

卷四

二

耳此石僅書爵里然亦略裨史事公邱縣屬沛郡見漢地理志郡國志前漢百官表云縣萬戶以上爲令萬戶以下爲長續漢百官志每縣大者置令一人千石其次置長四百石小者置長三百石此漢時令長之分也魏晉皆沿其制史傳所見令長可以互證惟地理郡國兩志於每縣下皆未注明何縣爲令何縣爲長無從得其詳耳近人錢大昭劉師培丁錫田等采取傳記金石之文於漢縣之爲令長者皆爲輯出而無考者尙多卽如公邱一縣令長卽已無徵據此石藉知公邱爲萬戶以下之縣其縣置長且可知魏時官斯土者有霍姓鉅鹿郡人此亦有關滕縣官師典制者也漢晉風俗部民常爲郡縣長吏遠道立碑

晉安邱長城陽王君神道闕左方有安邱立字此或公邱人爲霍君所立者歟生君克昭方補刊滕縣志爰囑撰跋附諸志後以備邑乘之事實云爾

舊志知縣姬公傳書後

柯昌泗

明天啓中白蓮教陷踞滕縣知縣華陰姬公以身殉前志記載甚詳明史忠義傳所書無異惟姬公之名史作文允志作文印圖書集成引明外史又作文引以題名覈之公本名與前清世宗諱上一字同當時載筆者隨音改避是以字各不同公之大節日月爭光而其名字傳記互歧亦不言爲後人避諱所改以致本名不顯非所以垂不朽此當坳著於志乘者也又公殉難

續滕縣志

卷四

三

與嘉慶間滑縣強忠烈事相同明季褒崇未至故不得若忠烈之昭然在人耳目端賴志乘之表章弗替以傳久遠谷應泰明史紀事本末卷七十徐鴻儒之亂條下於姬公事不記一字但云知縣姚之胤逃案其時知縣已爲姬公不得再有姚之胤其人谷氏之書成於明史未修以前每多違誤姬姚偏旁相近之文形體相同胤字又爲本字蓋當時傳聞之譌姓名事迹均失其實致使忠義之史影響受誣谷氏不加考核漫然書之殊爲顛倒是非之大者其書雖不足據而流傳甚廣當據史志正其謬以告讀者特書於志乘以資辨證也

十三經歌訣標射譜序

張鴻來

生君介明出所藏十三經歌訣標射譜鈔本示予爲其邑先輩楊獻堂遺著予曰滕縣講音韻者張芸心外又得此人貴鄉文獻輝映志乘矣第張作發明古韻楊作排比字音二者功力不盡同向來講經書字音者如馮心海之經傳字音考正鄒舜咨之經書音韻合注佚名氏之四書正體校定字音皆依經傳篇目列字注音其稍以聲畫分者則有鄭肅亭之四書分聲正體至舉十三經及四書注六千餘字製爲標射譜如此書實創作也此書製譜分平上去三聲各六入聲承陽聲陽聲之譜三故入聲之譜亦三排比略如自宋相傳切韻指掌圖之制切韻指掌圖以四聲分部依四等列字不以四等分部依四聲列字亦未創十六攝或十二攝之目與後世等韻圖不同但併觥於

續滕縣志

卷四

四

公併金剛於根併甘於干併歌加於孤併鉤於高合該基傀乖

爲一減少圖數耳

切韻指掌圖特爲甘金觥列圖尙有古音之遺今音不能辨故斯譜併之但所併亦有難

尋意義者如併剛江於根之類蓋其製譜雖併爲一然其施標射也仍不相犯謂一譜之內兩韻分立亦可予考其

製譜之由來蓋出於上元李世澤切韻射標

切韻射標見續說郭李蓋明人斯譜

所舉正法一條活法三條亦切韻射標所具且附口訣二首正法訣曰先將上字定標竿下字如同弩箭安認取本標平放箭箭來標下中無難活法訣曰箭到遇空或不中隔標隔列堪借用若遇去聲有乖張尋向上聲卻真正其列三十

六字母也亦均以舌上附舌頭更以舌頭附舌上以輕脣附重脣更以重脣附輕脣以正齒附齒頭更以齒頭附正齒惟斯譜並列舌上正齒舌頭齒頭於一欄排比又加密焉蓋所列經書字音依凡例所云係遵字典之翻切於唐韻廣韻集韻韻會正

韻字彙及諸經傳所有之切兼有所採如澶字唐韻集韻韻會屬禪母集韻又屬知澄母廣韻集韻韻會又屬定母集韻又屬透母鎗字唐韻集韻韻會正韻屬端母集韻韻會又屬透母廣韻屬穿母椿字唐韻屬端母集韻韻會屬知母正韻屬照母唐韻又屬審母店字唐韻集韻韻會正韻屬審母廣韻集韻又屬端母追字唐韻集韻韻會屬知母集韻韻會正韻又屬端母字彙補屬邪母湛字唐韻廣韻集韻韻會正韻屬澄母廣韻集韻韻會又屬端母集韻韻會正韻又屬精母集韻又屬徹母單字唐韻集韻韻會屬端母集韻又屬定母穿母廣韻集韻韻會正韻又屬禪母集韻正韻又屬照母惟列舌上正齒舌頭齒頭於

續勝縣志

卷四

一欄得統之章太炎云正齒舌頭慮有鴻細古音不若是繁碎大較不別又云齒舌有時旁轉見國故論衡古雙聲說此非徧考諸韻書之翻切不能言之而楊君斯譜已表之於前矣標射譜之後有平入對辨譜為第二卷所舉入聲國吉菊郭結刮各甲穀九韻

另有無混平聲之格葛角三韻與張芸心切字肆考平入混音字分支魚魚字係予所增灰模歌麻遮各類者為近國為張之灰類吉為張之支類菊為張之魚類各郭為張歌類之開

合結為張之遮類甲刮為張麻類之開合穀為張之模類前乎此呂新吾稱之為啞音見交泰韻平入相近謂之啞音以詩家四六家多偶於一聯之內讀之不甚鏗鏘也

韻亦大致相同支韻即張之支灰類齊韻即張之支類餘盡同是蓋以方音多混為之

辨張芸心覆吳伯盃書云所指平入混音字亦就勝嶧二縣土音言附標射譜以行者也介明

現刊縣志有意流布此書囑贅數言爲述一二端如右中華民國三十三年九月

滕縣鄉土志序

柯昌泗

敘事之法有繁有簡晉張輔評騭史漢以字數多少爲優劣載筆者始多尙簡地方志乘史之枝流也撰述當本諸史法相傳以簡爲貴康對山韓五泉朝邑武功兩志最爲擅名然後代人事日滋不似古昔之純質卽一鄉一邑之事品彙紛紜非短書所可盡儻但以減省字句爲工文雖高而事不備則無以紀實也康韓之書流傳數百年著錄視爲奇觀罕有效其式者蓋由於此滕縣高文孝先生熙喆夙負史才清光緒末縣令濮君以

續滕縣志

卷四

六

志乘爲請期三月竣事乃先草成鄉土志一卷都六十葉於縣中建置政績兵事耆舊鄉鎮山川物產諸大端莫不以類相次敘述分明具存始末一無遺闕覽者不待旁求而一縣所當傳之事釐然在於目中其約省篇幅似與康韓指趣相同而體用獨爲賅悉字數纔較康韓之書加多數倍而已有簡括之長而無疎漏之失者也以鄉土志爲名者蓋所以示異縣志立名尤審於名實然擴而充之以爲縣志其宏綱要目亦皆略見於此無削足適履之弊後三十年滕縣又有修志之舉仍出先生所筆削蓋卽本於此志益以記事纂言今與此志合觀愈見良史斟酌繁簡之深意始知康韓之書雖有意於爲文以簡爲主實

未能深得史法之簡也此志既出於是諸縣修志而趨簡捷者皆輾轉取爲法式風行一時惟當時未及刊刻僅恩恩石印百十冊迄今流傳甚稀縣人生介明君博學篤志行義卓然於邑中文獻致力尤勤曾佐先生編纂縣志補輯成書校刊行世以傳先生未竟之業又於濟南市上訪得此志印本以爲縣中志乘之綱領先生史筆之權輿皆於此志見之縣志雖成而鄉土志著述之意亦不可俾其湮沒不彰也爰屬昌泗撮其要凡爲文記之綴於縣志藝文之後昌泗既歎先生裁例之精又嘉生君用心之摯因舉咫見所及用諗講求文史之體用者

高熙喆傳

大名縣志

續滕縣志

卷四

七

高熙喆字仲城山東滕縣翰林以御史出守甯夏丁內艱歸服闋補宣化宣統元年調大名性節儉好讀書之官不攜眷屬不用門丁惟一老僕供使令公餘赴中學師範兩校講論經史以忠孝廉讓勗諸生齏商月有供鹽前任皆折價受之乃以舊例難革飭令分給中師兩校毫不沾染署無車馬惟畜一驢備驅策儒雅樸素三任一致人皆稱爲廉吏云旋回宣化任民國成立掛冠而去不知所終

民國二十三年新修大名縣志職官志政績

滕縣王永彭造南梁水金剛橋碑銘

柯昌泗

夫立德以仁爲本而莫著於濟物仁心所充因事而見皆能有益於時不繫乎名位之隱顯論語云仁遠乎哉欲仁斯至豈不

信歟王居士者名永彭山東滕縣西鄉王家樓人也行已敦篤
勤力負販習俗新歲換桃符兩扉張門神畫象以避邪迓福君
鬻此爲業雕摹精謹充徐間競趨買之獲售驟多資用日益乃
慨然曰予所業百工之末耳平日纔堪餬口賴天之祐利市若
此皆得之於鄉里者豈可居積自營不思於物有濟乎遠大者
非所及至於一鄉一邑之利病敢不竭力圖之今南梁水枝津
逕縣城西北無輿梁之設不可揭厲過者輒阻鄉人夙所患苦
願出資造石橋用便行旅卽日經始興作於時遐邇人士在城
鄉者聞而來觀同聲稱美睹其勞費至鉅欲相與助成之君以
爲仁由己不敢求助以隳願力始終獨任其事以民國三十年

四月興功至三十二年二月功訖凡十孔長三丈二尺廣五尺
二寸堅實平壯人爲名之曰金剛橋喻其不壞也橋在王家樓
村之東水環村而流又於村西再造一橋俾行人出左右者咸
獲利涉之益名之曰通濟橋斲石鳩工一如前式不日可就慮
善之周而不懈尤爲衆所推服焉滕昔擅舟楫之利後漸廢沮
茲橋旣成車馬來往若履康衢懋遷暢遂文物興起橋利之普
非直全濟而已縣人生君介明質直好義以君未嘗學問而爲
人所難能將議刊石刻詞冀聞風者知爲仁之益來諗其事屬
爲之文唐初滕縣王寶詮建割牛溝小石橋縣人曾爲碑頌傳
在譜錄今居士復有此舉宏其宗風宜託於貞珉以比美前迹

其詞曰

倬彼滕陽襟帶魯道溝洫功湮川流孰導涓涓之名阻同巨浸
輪蹄卻迹津渡莫尋肫肫王君仁心爲質自捨淨財不藉衆力
崇基竦峙如砥之平兩行夜涉出入戶庭馳道遙臨崇墉近倚
商旅四方風聲千里古稱善國今爲美談立石涯涘桑梓式瞻

續滕縣志

卷四

九

藝文附錄終

高文孝先生別傳

公諱熙喆字仲城一字亦愚先世自浙江會稽遷山東兗州府之滕縣父廷保有文行嘗客監司幕府主議欲加賦力爭而止公早孤太夫人同縣徐氏苦節教誨幼以事親力學稱于鄉黨偶就績事時時肄習爲太夫人知一日對之涕泣懼請其故太夫人泫然曰吾撫汝不易所望學成以顯親揚名今乃知將來不過一畫工耳公感泣矢改立屏丹粉之具終身不復作畫未冠遂入邑庠又舉副貢季父文保官滋陽巡檢奉檄至嶧攝錄獄囚因得知縣朱永康不法事將歸白諸長吏永康賂之不可乃使姪寶森戕殺之殘其支體移牒言巡檢發狂持刀自殊大

續滕縣志

卷四

一

府不能深察公急與傭客田剛奔赴京師都察院號哭陳狀朝命大臣往勘永康諉於其姪己陰縱之百計求脫公持之急躬與對質折其飾詞初議蔽罪手殺人者而擬主謀以輕比給事中王昕奏引道光閒李毓昌事且曰律有謀殺使命首從先斬之條兩宮惻憫再下公卿議竟論永康極刑優詔褒文保守正不阿累贈道員予雲騎尉世職賜祭葬入昭忠祠國史立傳公以孤生伏闕卒得復讐邀異典有東漢人風由此名動朝野光緒八年舉于鄉九年成進士十二年始預館選越歲授翰林院編修歷命爲國史館協修甲午科山西正考官甲午科會試同考官安陸陳文恪公門人千餘所重公及甯河高文通公賡恩

時稱陳門二高文通自以爲不及唯文恪亦特異焉曰可以託六尺之孤可以寄百里之命其仲誠乎敕其子輅軺師之輅字墨香亦辨博有志操潔身終隱不辱公之教云甲午會試分校第十四房所薦若福建江春霖廣東李家駒安徽楊士燮湖北余晉芳江蘇張謇其後皆有名迹時稱十四房得人最盛門人通籍後來從受學講習不倦初徐太夫人就養來都不習風土遽返公違親久思慕見於顏色嘗爲門人講左氏傳至鄭莊公告穎考叔語廢書哭失聲明日卽請告歸陳文恪公見之歎息記其事以示子弟尋以太夫人命仍入都就列則閒歲省覲以爲常家居聞乘輿西狩急趨行在扈從還京慶親王弈劄知公

續滕縣志

卷四

二

學行延教其子人羨之曰此捷徑也公笑曰捷徑須捷足奈予躡步何改官河南道監察御史擢掌貴州湖廣兩道恥以搏擊取名數上封事皆繫國家安危逆睹萌芽言至深切盜起兗徐之交以密邇鄉里習知利害疏陳方略政府未果用後遂滋蔓不已直隸總督國之信臣王邸所右公抗疏劾之會遷工科給事中用年例出爲甘肅甯夏知府士論惜其遠去不復立朝矣三十年到官出手教悉除餽遺舊例楬檠聽事柱上郡中頌其清德號曰小湯斌黃河自西南來入甯夏境釃分支渠灌田無算郡治有名渠四曰漢延曰唐徠曰大清曰惠農民直其役以聽於官自水利同知官省併屬知府前政多不措意或擅爲私

利公考量隳枯思欲因民所利垂諸久遠於是揆經用覈部伍均庸力杜浸漁芻芟謹瀦洩四渠皆興惠農渠始開於雍正初近年河水西下衝擊渠塌蕩沒二十餘里屢費功役不獲灌漑之利公周覽陂澤度地勢之高下改穿新道於楊和堡東導黑泉湖水注之以廣其流渠利遂復今輿圖楊和新工卽其地也公日夜視渠身先吏卒飢則啖胡餅與民雜坐畚鍤間僕隸各給糗糒以從渠民不知供億衆情歸附事無不集遭太夫人憂去弗究其用事詳易世後郡人所脩朔方道志於公傳言善政至多此爲尤著云服闋起爲直隸宣化知府宣統元年轉在大名單身入署不設門幹左右惟一老僕廄無車馬畜一驢乘

之以出二年復還宣化在官雖暫民心久而不忘前數年大名新修縣志亦爲公傳稱頌如甯夏人公守三郡尤致力於教化所至必時會諸生升堂講學主於忠孝廉讓在甯夏科舉未廢已謀興學擇官地起學舍捐貯書數百卷爲甯夏學校之始在大名鹺賈月有供鹽故事折價爲餽至公弗受著令充正供助學校凡再莅宣化風教大行縣小學恆就鄉塾改作徧爲校行指授規制屏去導從携老僕囊錢自隨每到屬縣召境內童子生至前面試優者卽出錢賜之總中學堂事七日一至學取經史一章爲生徒講說月課文藝手自改正次第給金爲獎前列者加賜所著文鈔諸生齋膳繼以俸粟勸學爲畿輔最今搢紳

之士聞達於時者往往自言從高府君受學昌泗昔游塞下人以公州里故人子咸來問起居狀知公康強皆有喜色若親戚子弟焉公在邊不徒以儒雅爲治至處危疑愈見才略三年詔盡收天下鐵路礦山懷來縣有煤礦貧戶數千家采鬻以資京張鐵路礦民間詔懣動聚衆拒命路商潛遣以械冀相倚芘督部方遣官來趣收礦令曰不從則發鎮兵往公謂民爲衣食計情與謀亂殊科不可用兵與口北道成和宣化鎮總兵黃懋澄連名馳電極言弗納省檄屢下所遣官日日至署迫促公力持之約道鎮以去就爭自夏及秋欲投劾歸而川漢路變起事乃得寢鼎革之際外郡紛擾居庸以北列城晏然公之力也移知永

平府未及之官遜位詔下將解印紱百姓遮止不得行新督亦留請共治時已歲末公託言賀正亟往天津因得脫身便道東歸至膠州屬行郡事者以京津兵變失蹤聞督府遍求不獲始遣代者公避地半年遂還滕縣矢不復出柄國者莫能致公當仕宦時朝士方務進取獨遵承平士大夫規檢權貴周旋不少貶損海內仰爲絕俗居外風裁益峻迨及歸隱自處隕然泛愛多容不爲崖岸而睦婣任恤行之彌篤縣城就圯共邑人生克中克昭兄弟出資歲事脩築以渌水屢徙害被城郭舉沿革以遺官吏王文直公東槐殉難湖北專祠在縣曾奏請遣祭及是又告有司論當復祀典師旅過縣將帥多慕名請見必語以保

民之道莫不服膺以去縣民每恃賴焉其出處語默皆非尋常所可幾也家居二十七年戊寅八月病終於縣東小北河村山中年八十有五臨終自挽惟言能讀父書不失臣節爲幸鄉人議謚曰文孝先生有以三郡之政擬謚文惠者乃兩存之娶洪夫人子二延榴延柳有賢聲遺著詩迹春秋左氏傳注四書說高太史文鈔史論爲文表章德行耄年不倦孝子節婦出於僻陋姓名不能自達士大夫間者諗其事狀輒欣然命筆顯官貴仕雖素識不肯書其姓名初以縣志繁蕪別撰鄉土志一卷賅括簡當諸縣效之晚年續成縣志及章邱新志遠稽周官誦訓之職立義高峻時人以方陸清獻靈壽志云公之終也故老俱

盡無由稽諏行實陳輅爲家傳詞意甚偉然遺事未備邑人生克昭偕延柳補刊滕縣續志擬併載公傳狀以公與先文獻公風義最篤爰屬昌泗撰次惟公至行擬曾史清節兼夷惠易曰教思無窮容保民無疆此又公以之致用者昌泗無似有愧於陳君傳公非其任也然世方需康濟之才前言往行觀聽相傳必有興起者德業若公得其一體皆有益於時不待奮乎百世也凡公言動雖至纖微敢爲失墜哉漢晉私述名賢事迹名曰別傳略似行狀意主詳悉今謹綴緝公遺事用別傳體以異官書義例至於貞珉惇史將俟有德有言之君子甲申正月年家

